



M-WEZ:
Penduduk
yakin
Kampung
Portugis tidak
diabaikan **6**



Ramadan dalam norma baharu

**2&3**

Sulaiman kongsi pengalaman jual lauk di pasar Ramadan



SULAIMAN (dua kanan) membantu rakan baiknya, Rosli (kiri) membungkus lauk pauk yang dijualnya bagi melayan pelanggan yang datang ke Pasar Ramadan Masjid Tanah, baru-baru ini.

Faiz Hasan

MASJID TANAH — "Dahulu saya pun pernah berniaga di sini, menjual lauk bersama rakan tatkala Ramadan, inilah lokasi dan tapaknya demi sesuap nasi," kata Ketua Menteri, Datuk Seri Utama Sulaiman Md. Ali yang mengimbau kenangannya menjadi antara peniaga pasar Ramadan Masjid Tanah, di sini.

Katanya, lokasi itu mengimbau kembali kenangan bersama rakan baiknya, Rosli Ab. Ghani, 53, sebelum bergegar wakil rakyat dan mula menjalankan perniagaan menjual lauk pauk sekitar 2008 hingga 2012.

"Malah, sewaktu saya jadi pembangkang sebelum ini pun, sekitar tahun 2019 saya turut meluangkan masa bersama Rosli menjual lauk pada bulan Ramadan," katanya kepada Melaka Hari Ini selepas merasmikan Pasar Ramadan Masjid Tanah, baru-baru ini.

Terdahulu, dalam kunjungannya itu, Sulaiman men-

curi perhatian orang ramai apabila beliau sendiri terus mengunjungi sebuah gerai bagi membantu Rosli melayan pelanggan.

Menurut Rosli, dia begitu terharu dan gembira melihat Sulaiman yang bergegas ke gerainya bagi membantunya membungkus makanan buat pelanggan yang datang.

Dia yang menetap di Londang berkata, lokasi itulah asalnya dia berniaga sepanjang tahun sejak 1990-an demi mencari rezeki ketika Ramadan dengan menjual lauk-pauk.

"Memang lama saya kenalinya (Sulaiman), malah sebelum ini beliau sendiri datang ke rumah masak dan makan bersama apabila mempunyai masa lapang."

"Ketika beliau jadi wakil rakyat pun Sulaiman ada datang juga untuk membantu saya di sini untuk membungkus makanan."

"Alhamdulillah, dapatlah mengimbau kenangan dahulu dan gembira dengan kehadirannya hari ini," katanya.

Kadar zakat fitrah kekal sama

AYER KEROH — Mesyuarat Jawatankuasa Fatwa Negeri Melaka memutuskan kadar zakat fitrah di negeri ini kekal seperti pada tahun lalu.

Mufti Datuk Wira Abdul Halim Tawil berkata, zakat fitrah yang ditetapkan RM7 dan RM14 boleh mula dibayar bermula 1 Ramadan.

"Jawatankuasa Fatwa telah memutuskan kadar zakat kekal sama seperti tahun lalu dan boleh dibayar di mana-mana kaunter pembayaran zakat yang telah dilantik di seluruh negeri ini."

"Kita juga telah melantik seramai 1,500 amil iaitu golongan pemungut zakat di Melaka yang terdiri daripada imam dan pegawai kakitangan di seluruh masjid bagi memudahkan umat Islam membayarnya di kariah masing-masing."

"Malah, Majlis Agama Islam Melaka (MAIM) juga turut menyediakan platform di atas talian menerusi aplikasi yang akan disediakan bagi memudahkan orang ramai membayar zakat dengan lebih mudah terutama golongan yang kesuntukan masa disebabkan urusan bekerja, ibu

tunggal serta pelbagai lagi," katanya.

Beliau berkata demikian ketika ditemui pemberita selepas menghadiri Majlis Pelancaran Buku COVID-19 Melanda Negara dan Dunia diadakan di Hotel Muzaffar di sini, baru-baru ini.

Program yang dirasmikan oleh Yang di-Pertua Negeri Tun Seri Setia Mohd Ali Mohd Rustam itu turut dihadiri Ketua Polis Melaka, Datuk Abdul Majid Mohd Ali.

Mengulas lanjut, Abdul Halim berkata, pembayaran zakat fitrah atas talian di negeri ini menerima sambutan hebat tahun lalu dengan lebih 125,000 individu menggunakan platform itu.

Katanya, menunjukkan sambutan atas talian lebih memudahkan umat Islam di negeri ini disebabkan pandemik COVID-19 yang melanda ketika tempoh itu.

"Platform di atas talian ini memudahkan umat Islam di Melaka lebih-lebih lagi dalam tempoh pasca penularan wabak itu dan kita harap sambutan sama juga dapat diterima pada tahun ini," katanya.



TAHUN	KADAR FITRAH (RM)	% KENAIKAN KADAR	JUMLAH PEMBAYAR	% KENAIKAN PEMBAYAR	JUMLAH KUTIPAN (RM)	% KENAIKAN KUTIPAN
2018	6.70		586,061	2.15	3,926,608.70	2.15
2019	7.00	4.48	572,109	3.85	94% 6%	4,004,763.00 511,350.00
	14.00	108.96	36,525		15.01 11.3%	
2020	7.00		579,792	4.05	91.5% 8.5%	4,058,544.00 749,140.00
	14.00		53,510		6.46 15.6%	
2021	7.00					
	14.00					

49 tahun pukul beduk Masjid Kampung Hulu

Mohamad Fazrul Abdul Majid

KOTA LAKSAMANA — Masjid Kampung Hulu di Jalan Kampung Hulu, Kampung Dua dekat sini, sehingga kini masih mengamalkan tradisi memukul beduk sebagai tanda masuknya waktu berbuka puasa.

Walaupun mungkin ramai menyifatkan aktiviti itu sudah tidak relevan dengan peredaran zaman yang kini menggunakan pembesar suara untuk melaungkan azan Maghrib tanda masuknya waktu berbuka, namun bagi noja Masjid Kampung Hulu, Abdullah Abdul Kadir, 71, tradisi itu perlu dipelihara untuk generasi masa kini.

Malah, Abdullah cukup selesa melakukan tugas itu sejak dilantik menjadi seorang daripada pegawai syarak masjid tua berusia 293 tahun itu pada 1972.

Dia yang menetap di Kampung Morten berkata, tugas sebagai pemukul beduk bukanlah suatu tugas yang boleh dipandang rendah memandangkan ia bersangkut paut dengan hukum agama.

Jelasnya, jika beduk dib-

unyikan lebih awal daripada waktu sebenar berbuka puasa, puasa kariah dan seluruh masyarakat di kawasan sekitar akan terbatas seperti mana yang berlaku di Masjid Al-Khairiyah, Taman Seri Gombak, Selangor baru-baru ini.

"Sebab itulah tugas ini agak mencabar kerana ia satu amanah besar kepada saya. Sejak dari awal menjadi noja memang saya lebih selesa memukul amanah dan tanggungjawab ini kerana saya tidak mahu berlaku kesilapan dalam mengumumkan masuknya waktu berbuka puasa bagi umat Islam."

"Seperti di masjid ini, kebiasaannya sebelum memukul beduk, kami terlebih dahulu akan memasang rakaman tazkirah daripada Mufti Melaka dan selepas itu membacakan doa makan terlebih dahulu sebelum saya memukul beduk yang berada di astaka masjid."

"Selepas beduk dipalau, bil akan meneguk air terlebih dahulu dan seterusnya barulah azan Maghrib akan di laungkan," katanya kepada Melaka Hari Ini.

Abdullah berkata, selain tradisi memukul beduk, masjid berkenaan juga masih

meneruskan tradisi berbuka puasa beramai-ramai selepas menuaikan solat Maghrib.

Bagaimanapun, dia mengakui suasana berbuka puasa sejak negara dilanda pandemik COVID-19 sedikit berbeza apabila rutin kebiasaan berbuka dengan makan di dalam talam terpaksa dihentikan sementara waktu.

"Apabila Tarawih dibenarkan bermula tahun ini, kami terpaksa melupakan tradisi turun temurun makan di dalam talam dan terpaksa menggunakan kaedah pemberian makanan bungkus kepada jemaah bagi mematuhi prosedur operasi standard (SOP) sepanjang tempoh Perintah Kawalan Pergerakan Pemulihan (PKPP)."

"Kebiasaannya setiap hari 300 bungkus makanan disediakan hasil sumbangan orang ramai dan juga dana daripada masjid ini sendiri."

"Walaupun begitu, suasana berbuka puasa di sini masih lagi meriah dengan kehadiran penduduk setempat,

selain turut melibatkan kedatangan musafir yang mahu berbuka puasa," ujarnya.

Tidak terhad di situ, Ab-



ABDULLAH menunjukkan beduk yang dipukulnya sejak tahun 1972 sebagai tanda masuk waktu berbuka puasa setiap kali bulan Ramadhan.

dullah berkata, program keagamaan seperti ceramah agama, tazkirah dan alunan selawat turut menghidupkan lagi keberkatan bulan mulia di masjid berkenaan sepanjang Ramadan tahun ini.

Selain itu, program Qiamullail juga akan diadakan bermula malam ke-21 sehingga malam ke-29 Ramadan.

"Walaupun lokasi masjid ini di tengah bandar, namun

sepanjang Ramadan banyak aktiviti keagamaan yang kita laksanakan dan sambutan daripada jemaah juga masih menggalakkan sehingga ke hari ini," katanya lagi.

Untuk rekod, Masjid Kampung Hulu dibina pada tahun 1728 ketika era penjajahan Belanda.

Dikhabarkan masjid tersebut dibina oleh seorang pedagang China yang disela-

matkan penduduk kampung pada kurun ke-17 yang kemudiannya dilantik untuk menghasilkan reka bentuk seni bina masjid berkenaan.

Maka, tidak hairanlah struktur masjid berkenaan mempunyai ciri-ciri zaman Dinasti Ching terutama pada bahagian bumbung dan jubin seramiknya, selain turut turut digabungkan dengan pengaruh Jawa dan Melayu.

Tepung pelita jadi 'kegilaan' di bulan Ramadan

BUKIT BARU — Kuih tepung pelita antara kuih menjadi rebutan ramai di pasar Ramadan di Melaka yang di beritakan mampu terjual ribuan biji sehari.

Hal itu diakui peniaga dan pembuat kuih tepung pelita di Kampung Pulau, Bukit Baru, Ridhuan Abu Samah, 33.

Katanya, sejak berniaga kuih berkenaan bersama adik-beradik dan saudara-martanya sejak 11 tahun lalu, populariti kuih berkenaan tidak per-

nah hilang dan dia mampu menjual 4,000 ke 5,000 kuih sehari pada Ramadan tahun ini.

Hasil resipi diwaris daripada arwah ibunya, perniagaan itu terus berkembang sehingga ke hari ini dan sentiasa mendapat permintaan yang tinggi di gerai jualannya yang dibuka di pasar Ramadan Paya Ikan, Musai dan Semabok.

"Kuih tepung pelita ini kita hanya buat setahun sekali iaitu apabila tiba Ramadan. Kami tak tahu ke-

napa, tetapi kuih ini bila hari biasa tiada langsung permintaan, namun bila Ramadan, memang tak menang tangan kami dibuatnya."

"Nak kata ada resipi rahsia tertentu, bagi saya resipi kami sama seperti orang lain, cuma mungkin aura kuih dibalut daun pandan segar itu membuatkan ia nampak lebih menyelerakan," katanya.

Meskipun begitu, Ridhuan berkata, terdapat cabaran yang terpaksa ditempuh dalam menghasilkan kuih

tradisional itu terutama membabitkan bahan asas seperti daun pandan yang kini semakin sukar didapati.

Katanya, atas faktor kekurangan daun pandan, penghasilan kuihnya semakin terjejas saban tahun dan tidak mampu lagi menghasilkan 6,000 ke 7,000 biji kuih seperti dahulu.

"Saya terpaksa ambil inisiatif membeli daun pandan di tanah milik orang lain dan untuk dapatkan daun pandan liar yang lebar dan menepati kriteria kami bukan mudah."

"Oleh sebab itu, saya juga kini sudah mula menanam daun pandan sendiri bagi menampung penghasilan kuih tersebut di masa akan datang," katanya.

Sementara itu, adiknya Nor Amira Abu Samah, 30, menyifatkan penghasilan kuih tepung pelita bu-

kanlah kerja mudah memandangkan ia perlu dilakukan sejak pagi hingga ke petang.

Katanya, dia akan memasak lapisan pertama berwarna hijau terlebih dahulu bermula pada jam 8 pagi dan seterusnya menyediakan 'manguk' kuih menggunakan daun pandan sebelum memasak lapisan putih sebagai pelengkap kuih itu.

"Walaupun bahannya tidak banyak iaitu hanya menggunakan tepung, teku, gula dan santan tetapi kerja-kerjanya memakan masa dan tenaga. Mujurlah semua ahli keluarga membantu dalam penghasilan kuih ini."

"Saya belajar resipi ini daripada arwah emak ketika masih berasokolah menengah dan Alhamdulillah sehingga kini kualiti kuih yang kami jual masih sama," katanya.



PROSES menuang santan bagi melengkapkan kuih tepung pelita yang dilakukan adik-beradik dari Kampung Pulau, Bukit Baru.

WAKTU SOLAT						
	SUBUH	SYURUK	ZOHOR	ASAR	MAGHRIB	ISYAK
26 APRIL 2021	5.54 am	7.04 am	1.11 pm	4.28 pm	7.16 pm	8.27 pm
27 APRIL 2021	5.53 am	7.03 am	1.11 pm	4.29 pm	7.16 pm	8.27 pm
28 APRIL 2021	5.53 am	7.03 am	1.11 pm	4.29 pm	7.16 pm	8.27 pm
29 APRIL 2021	5.53 am	7.03 am	1.11 pm	4.29 pm	7.16 pm	8.27 pm
30 APRIL 2021	5.53 am	7.03 am	1.11 pm	4.29 pm	7.16 pm	8.27 pm
01 MEI 2021	5.52 am	7.03 am	1.11 pm	4.29 pm	7.16 pm	8.27 pm
02 MEI 2021	5.52 am	7.02 am	1.11 pm	4.30 pm	7.16 pm	8.27 pm

Tumpu kebajikan rakyat

Norizan Abdul Muhid

REMBIA - Kebajikan rakyat khususnya golongan anak yatim, miskin dan amil dalam kawasan Dewan Undangan Negeri (DUN) Rembia sentiasa menjadi keutamaan saya, demikian tegas Datuk Muhammad Jailani Khamis yang merupakan Ahli Dewan Undangan Negeri (ADUN) Rembia.

Menurut Jailani, bagi menyelami dan menyantuni tiga golongan itu yang diberi keutamaan, pihaknya mempergiatkan program turun padang tanpa mengira masa atau musim tertentu dengan fokus kepada soal kebajikan rakyat.

Salah satu isu yang mendapat perhatian serius Muhammad Jailani ialah berkenaan pengambilan tanah di kawasan jalan kereta api Kampung Jelatang dan pembangunan naik taraf baharu Medan Selera Kelemak yang sebelum ini sudah tertangguh sejak 30 tahun lalu.

Bagi mengatasi masalah yang timbul, katanya, pihak Japerun Rembia terpaksa melipat gandakan usaha dan memperuntukkan lebih banyak masa menangani isu tersebut dan akhirnya penat lelah berbaloi apabila ia berjaya diselesaikan.

"Akhirnya, penduduk di kawasan kereta api Kampung Jelatang dapat mendiami tanah di situ dengan aman dan peniaga di Medan Selera Kelemak boleh bermula di situ dengan lebih selesa malah dapat menikmati kemudahan baharu yang lebih moden berbanding sebelum ini."

"Ini adalah tekad saya setelah dipilih menjadi wakil rakyat, saya mahu membela nasib rakyat khususnya tiga golongan ini dan saya sudah berjanji dengan arwah emak bawaht saya tidak akan ambil satu sen hak rakyat, itu janji saya," katanya kepada Melaka Hari ini (MHI), baru-baru ini.

Pada masa yang sama, katanya, penekanan turut diberikan kepada usaha melindungi tanah-tanah warisan penduduk kampung dan pihaknya memberi jaminan tiada pengambilan tanah milik rakyat diambil bagi tujuan projek perumahan yang akhirnya tidak memberi manfaat kepada penduduk sendiri.

Menurut Jailani, pelbagai inisiatif turut dilaksanakan sepanjang bergelar wakil rakyat Rembia yang antaranya menekankan soal pendidikan demi memastikan tiada seorang pun anak-anak Rembia tercincir dari menikmati pembangunan pendidikan negara.

"Saya yakin hanya pendidikan boleh mengubah nasib ke arah kehidupan lebih baik dan saya bertekad membawa taraf pendidikan lebih baik untuk anak-anak DUN Rembia," katanya.

Bagi tujuan itu, kata beliau, pihaknya melancarkan program kelas tuisyen percuma yang memberi keutamaan kepada murid miskin dan anak-anak yatim sejak ia diperkenalkan bermula tahun 2018.

"Tahun 2018 kita perkenalkan dan hasilnya amat baik kerana seramai 75 murid mendapat 7A dan 6A pada periksa SPM dan paling membanggakan semua murid ini adalah merupakan anak fakir miskin yang lahir dalam DUN Rembia," katanya.

Ujarnya, selain program tuisyen sekolah, pelbagai lagi



MUHAMMAD Jailani (dua kanan) mendengar luahan penduduk Kampung Jelatang mengenai isu tanah yang berlaku di kampung sejak lebih 30 tahun lalu.

program pendidikan turut diberi perhatian seperti bantuan yuran sekolah, bantuan potong rambut percuma, khatan percuma dan pemberian baju sekolah percuma di peringkat DUN Rembia.

"Kita mahu pastikan tiada satupun anak-anak Rembia yang tercincir dari menerima bantuan program pendidikan yang kita sediakan, kalau ada pun mungkin cepat atau lambat mereka terima bantuan."

"Namun yang pasti, akhirnya mereka akan tetap terima bantuan pendidikan yang kita sudah sediakan untuk golongan yang memerlukan ini walaupun terpaksa menggunakan wang sara sendiri," katanya.

Jelasnya, dalam menggerakkan usaha membantu penduduk kampung yang terkesan dengan pandemik COVID-19 akibat kehilangan pekerjaan, pihaknya turut mengerakkan program sumbangan barang keperluan makanan kepada golongan yang terkesan.

"Program menyalurkan kit bantuan kepada penduduk yang terkesan akibat COVID-19 sudah bermula sebelum pandemik lagi dimana kita sudah memberi sekitar 5,000 penerima dan setakat Mac tahun ini pula, lebih 2,000 kit bantuan yang sama sudah diedarkan kepada penduduk yang terkesan," ujarnya.

Beliau menegaskan segala usaha dan tindakan yang diambil membantu rakyat berteraskan kepada al-Quran dan sunnah dan tiada muslihat tersembunyi selain hanya mahu membantu meringankan beban masalah peduduk Rembia yang memerlukan bantuan.

"Lagi satu isu banjir, kita sudah tekanan kepada dua pelan tindakan besar satu jangka panjang dan pendek, akhirnya, Alhamdulillah, dalam tempoh dua tahun ini, Rembia tidak mengalami lagi masalah banjir."

"Saya tidak kisah walau terpaksa berhabis duit gaji sendiri kerana yang penting saya dapat redha Allah, saya tidak kisah manusia. Saya tidak mahu saya mati nanti, tanggungjawab saya nanti dipersoalkan," katanya.

BIODATA ADUN REMBIA

Nama: Datuk Muhammad Jailani Khamis

Tarikh Lahir: 27 Mei 1972

Tempat Lahir: Melaka

Pendidikan Awal:

- Sekolah Kebangsaan Banda Hilir (1979 - 1983)
- Sekolah Menengah Tinggi Melaka (1984 - 1987)
- Sekolah Menengah Sains Muar, Johor (1988 - 1989)

Pendidikan Tinggi:

- Matrikulasi Universiti Islam Antarabangsa Lembah Pantai (1991 - 1994)
- Universiti Islam Antarabangsa Malaysia (1995 - 1996)

Pengalaman Kerjaya:

- Pengasas dan Ketua Pegawai Eksekutif Firma Guaman Muhammad Jailani & Partners (1996 - 2016)



Peniaga puas hati

REMBIA - Golongan peniaga di Medan Selera Kelemak melahirkan penghargaan yang tidak terhingga buat Ahli Dewan Undangan Negeri (ADUN) Rembia, Datuk Muhammad Jailani Khamis yang akhirnya memastikan mereka dapat menikmati kemudahan medan selera baharu.

Menurut mereka, komitmen berterusan Muhammad Jailani dalam menyediakan medan selera baharu itu amat dihargai dan menyifatkan beliau seorang wakil rakyat yang kuat bekerja tanpa mengira masa dan tempat.

Salah seorang peniaga, Muhammad Fadhil Haruddin, 23, Muhammad Jailani seorang yang mengambil berat masalah rakyat dan ini terbukti apabila beberapa isu yang berlaku sebelum ini telah dapat diselesaikan oleh beliau.

"Misalnya medan selera Kelemak ini, jika dulu ia agak lama dan uzur dan akibat kekangan kewangan yang berlaku medan selera ini lewat untuk dinaik taraf."

"Namun, melalui komitmen berterusan Muhammad Jailani akhirnya kami dapat juga menikmati kemudahan medan selera baharu yang lebih tersusun dan moden," katanya.

"Bagi Zaliyah Ali, 43, dia merasa lebih selesa dengan kemudahan medan selera baharu itu malah ia turut menyediakan tandas awam dan unit kedai peniaga yang agak lebih luas serta tersusun."

"Berbanding sebelum ini, ruang letak kedai agak berselarak dan uzur dan jika lihat pemandangan dari luar, medan selera ini agak lama jika dibandingkan dengan bangunan lain yang sedia ada."

"Tetapi Alhamdulillah, akhirnya medan selera Kelemak diberi nafas baharu dan saya yakin ianya dari usaha bersungguh-sungguh dari pihak ADUN sendiri," katanya.

Selain itu, menurut Norhayati Tasrib, 34, dia lebih merasa selesa dengan kemudahan baharu yang disediakan di medan selera tersebut khususnya kemudahan tandas.

"Berbanding sebelum ini, tiada kemudahan tandas disediakan malah ruang kedai jugak agak sempit namun syukur akhirnya medan selera ini dapat juga dinaik taraf," katanya.



ZALIYAH



MEDAN Selera Kelemak ternyata memberi keselesaan buat peniaga serta pengunjung amnya.

INFOGRAFIK KAWASAN DUN REMBIA

Ekonomi

Kawasan Pelancongan	1
IKS	1
Pekan kecil	1

Jumlah Penduduk

45,000

Jumlah Pengundi

16,000

Kawasan perumahan

JKKK : 8

Rumah Ibadat

Masjid	5
Surau	31
Tokong	3
Kuil	5
Gereja	1

Pendidikan

Tadika JAIM	1
Sek Rendah	5
Sek Menengah	3
SJKT	2
SJKC	2
IPT Awam/swasta	1

95 peratus ‘frontliner’ selesai terima dos pertama vaksin

Farah Suhaidah Othman

BUKIT KATIL – Kira-kira 95 peratus petugas barisan hadapan selesai menerima suntikan dos pertama vaksin COVID-19 dalam fasa pertama Program Imunisasi COVID-19 Kebangsaan (PICK).

Menteri Penyelaras program berkenaan Khairy Jamaluddin berkata, fasa pertama itu yang membabitkan seramai 571,000 orang penerima masih dijalankan dan ada masih menunggu giliran bagi mendapatkan dos suntikan kedua.

Bagaimanapun katanya, semua petugas barisan hadapan itu dijangka akan melengkapkan kedua-dua dos, sekali gus menamatkan program vaksinasi bagi fasa pertama selewat-lewatnya penghujung bulan ini.

“Sebagai contoh di Melaka, Pengarah Kesihatan

Negeri, Datuk Dr Ismail Ali memaklumkan kepada saya, sebahagian besar daripada frontliner yang masih berbaki sedang menerima dos pertama.

“Bagi dos pertama, sekurang-kurangnya 95 peratus (frontliner) sudah selesai divaksin dan ada juga dalam proses untuk melengkapkan kedua-dua dos,” katanya pada sidang media selepas mengadakan lawatan kerja di Pusat Pemberian Vaksin (PPV) Dewan Tun Ali, di sini pada 20 April lepas.

Hadir sama, Pengurus Jawatankuasa Kesihatan dan Antidadah negeri, Datuk Rahmad Mariman.

Dalam perkembangan berkaitan, Khairy yang juga Menteri Sains, Teknologi dan Inovasi berkata, Jawatankuasa Jaminan Akses Bekalan Vaksin (JKJAV) masih menunggu senarai nama

guru di sektor pendidikan awam dan swasta dari Kementerian Pendidikan bagi suntikan fasa kedua vaksin yang bermula 19 April lalu.

“Saya sudah meminta senarai nama, kad pengenalan bagi semua guru sama ada di sekolah pendidikan awam maupun sekolah swasta serta sekolah antarabangsa.

“Bagaimanapun ia berdasarkan bekalan, kita cuba untuk memberi keutamaan golongan pendidik bersama kumpulan warga emas bagi fasa kedua, jadi saya masih menunggu senarai itu,” katanya.

Baru-baru ini, Khairy dilaporkan berkata, lebih 500,000 guru di sektor pendidikan awam dan swasta akan disenaraikan sebagai penerima vaksin dalam fasa dua program berkenaan yang bermula 19 April lepas.



KHAIRY (kanan) melawat warga emas yang menerima vaksin pada Program Imunisasi COVID-19 Kebangsaan Daerah Melaka Tengah bagi fasa 2 di PPV Dewan Tun Ali, Bukit Katil, baru-baru ini.
FOTO MR. Azli

Melaka sasar 70 peratus penduduk divaksin

Mohamad Fazrul Abdul Majid

BUKIT KATIL – Melaka menyasarkan seramai 70 peratus rakyat negeri ini selesai divaksin menjelang Disember ini.

Ketua Menteri Datuk Seri Utama Sulaiman Md Ali berkata, untuk mencapai sasaran itu, kerajaan negeri berharap Program Imunisasi COVID-19 Kebangsaan (PICK) yang kini memasuki Fasa 2 berlangsung dengan baik dan mencapai sasaran ditetapkan.

Bagaimanapun, beliau mengakui wujud sedikit kebimbangan apabila hanya 42 peratus atau 294,597 berbanding 701,000 jumlah keseluruhan rakyat di negeri ini mendaftar sebagai penerima vaksin melalui aplikasi MySejahtera biarpun berbagai program kesedaran mengenainya dijalankan.

“Antaranya, penglibatan Pasukan Petugas Khas Imunisasi COVID-19 (CITF) daerah, Jawatankuasa Pembangunan dan Penyelaras Dewan Undangan Negeri (Japerun) dan juga Jawatankuasa Pembangunan dan Keselamatan Kampung (JPKK) sebagai ejen penyampaian maklumat keperluan dan kepentingan pendaftaran MySejahtera di peringkat akar umbi.

“Selain itu, kita turut menggerakkan aktiviti promosi di pasar raya, media sosial serta pasar tani dan pasar Ramadan,” katanya dalam sidang media selepas mengadakan lawatan ke Pusat Pemberian Vaksin Melaka (PPV) Tengah di Dewan Tun Ali, di sini, baru-baru ini.

Selain itu, Sulaiman berkata, kerajaan negeri juga kini sedang memperkasakan program kesedaran imunisasi COVID-19 kepada masyarakat Orang Asli di negeri ini melalui kerjasama dengan Jabatan Kemajuan Orang Asli (JAKOA) dan Jabatan Kebajikan Masyarakat (JKM).

Jelasnya, program penerangan berkaitan program imunisasi amat penting bagi memastikan masyarakat Orang Asli menerima maklumat yang betul serta tepat dan tidak menolak untuk menerima vaksin.

“Kita juga akan meneliti keperluan mewujudkan PPV bergerak bagi masyarakat Orang Asli atau warga emas serta orang kurang upaya (OKU) yang mempunyai masalah dari segi logistik dan sebagainya.

“Ini kerana saya mahu memastikan tiada seorang pun yang akan terpinggi daripada menerima vaksin COVID-19 dalam usaha kita mewujudkan imuniti berkelompok yang penting untuk kesejahteraan hidup penduduk Melaka,” katanya lagi.

Warga emas lega sudah disuntik vaksin

BUKIT KATIL – “Alhamdulillah saya selesai disuntik dan tiada rasa apa-apa pun.”

Demikian reaksi seorang warga emas, Abdul Aziz Abu Hassan, 86, yang menerima suntikan vaksin dos pertama dalam Program Imunisasi COVID-19 Kebangsaan (PICK) Fasa 2 yang bermula 19 April lepas.

Abdul Aziz yang merupakan bekas kerani besar Pejabat Tanah dan Galian Melaka berkata, tiada apa yang perlu ditakutkan orang ramai mengenai pengambilan vaksin berkenaan.

Sebaliknya, dia menganggap pengambilan vaksin itu penting ke

arah usaha kerajaan memerangi pandemik berkenaan sekali gus menggalakkan kehidupan masyarakat seperti sedia kala.

“Kenapa perlu takut (vaksin)? Tujuan kita ambil adalah untuk kesihatan dan kebaikan kita semua, jadi kenapa kita nak takut?

“Mudah-mudahan dengan pengambilan vaksin ini kita dapat jalani kehidupan seperti dahulu, nak sembahyang jemaah di masjid pun senang,” katanya.

Turut senada ialah seorang pensyarah polis berusia 84 tahun, Yun Ah Soon yang selesai mendapatkan suntikan vaksin dos pertama di Pusat

Pemberian Vaksin (PPV) di Dewan Tun Ali, di sini, 19 April lepas.

Ah Soon yang menetap di Taman Bukit Cheng meminta orang ramai agar segera mendaftar sebagai penerima vaksin melalui aplikasi MySejahtera demi kebaikan bersama.

“Saya minta semua kawan-kawan, jangan takut. Saya sudah disuntik dan semuanya okay, tiada rasa apa-apa.

“Sedikit sakit pun tak ada dan sekarang saya lebih senang hati apabila sudah divaksin kerana mungkin saya tidak akan dijangkiti COVID-19 lagi,” katanya.



AH SOON menunjukkan dos pertama yang diterimanya melalui aplikasi MySejahtera pada Program Imunisasi COVID-19 Kebangsaan Daerah Melaka Tengah di PPV Dewan Tun Ali, Bukit Katil, baru-baru ini. FOTO MR. Azli

Pembangunan M-WEZ

Penduduk yakin Kampung Portugis tidak diabaikan

Farah Suhaidah Othman

UJONG PASIR - Penduduk Kampung Portugis yakin Kerajaan Melaka tidak meminggirkan kepentingan warga kampung itu meskipun projek Melaka Waterfront Economic Zone (M-WEZ) bakal dibangunkan tidak lama lagi.

Pengerusi Jawatankuasa Pembangunan dan Keselamatan Kampung (JPKK) Kampung Portugis, Marina Linda Danker berkata, dia yakin kerajaan sudah membuat kajian terlebih dahulu sebelum merancang untuk membangunkan projek berkenaan.

Katanya, sebagai pemimpin dalam komuniti, dia juga mengharapkan pembangunan itu dapat memberi manfaat kepada penduduk kampung terbabit.

"Saya rasa untuk projek ini kaji selidik sudah dibuat dan kebijakan masyarakat Portugis di sini sentiasa dijaga oleh kerajaan negeri meskipun kita hanya kaum minoriti."

"Di sinilah satu-satunya perkampungan Portugis dalam Malaysia, jadi warisan masih ada dan saya yakin kerajaan peka mengenai warisan yang ada sekali gus mahu mengekal-kannya," katanya ketika ditemui di kampung berkenaan, baru-baru ini.

Marina berkata, kerajaan negeri tidak pernah mengabaikan kebijakan masyarakat Portugis termasuk menghulurkan bantuan serta sumbangan sempena menyambut perayaan Krismas selain mengunjungi kawasan perkampungan itu bagi mendengar keluh-kesah masyarakat itu.

"Sejak saya memegang jawatan JPKK lebih 10 tahun lalu sebelum berehat seketika dan kembali mengambil alih jawatan sama dua tahun lalu, pelbagai pembangunan dapat dilihat di sekitar kawasan perkampungan itu," katanya.

Bagaimanapun, katanya, projek pembangunan M-WEZ itu diharap dapat memberi ruang penempatan yang lebih selesa kepada masyarakat Portugis memandangkan jumlah

masyarakat itu semakin bertambah.

"Penempatan tidak cukup bagi menampung kira-kira 1,400 hingga 1,600 masyarakat Portugis, jadi jika projek itu dibangunkan dengan penambakan laut, mungkin kita boleh dapat flat atau pangaspuri agar penduduk di sini tidak keluar dari kawasan ini."

"Pembangunan memang perlu ada untuk menjana ekonomi, namun apa yang kami harapkan agar Kampung Portugis ini dibangunkan dari segi peluang kerja, pelancongan dan pendidikan," katanya.

Harapan sama disuarakan Peter Thomas Domes, 63, yang menjana pendapatan menerusi hasil laut berkata, dia mahu kerajaan negeri mengambil kira suara nelayan sekiranya projek berkenaan dimulakan kelak.

"Kita tidak tolak pembangunan kerana ia memang bagus untuk ekonomi rakyat seluruh negeri namun perlu mengambil kira kebijakan penduduk yang tinggal di kawasan berhampiran projek tersebut."

"Jadi, lebih elok jika kita juga diberi peranan untuk terlibat dalam perbincangan mengenai pembangunan itu supaya kami tahu impak yang diperolehi daripada projek tersebut," katanya.

PETER Thomas Domes



MARINA Linda Danker



YANG di-Pertua Negeri Tun Seri Setia Mohd Ali Mohd Rustam telah menganjurkan majlis berbuka puasa bersama barisan kepimpinan kerajaan negeri di kediamannya di Galeri, Bukit Katil, baru-baru ini.

Turut hadir dalam majlis tersebut Ketua Menteri Datuk Seri Utama Sulaiman Md Ali, Speaker Dewan Undangan Negeri (DUN) Datuk Seri Ab Rauf Yusoh, Setiausaha Kerajaan Negeri Datuk Seri Dr. Hasim Hasan serta barisan EXCO dan ketua jabatan kerajaan negeri.

Selepas selesai majlis berbuka puasa, Mohd Ali bersama semua jemputan yang hadir menunaikan solat Maghrib, Isyak dan Tarawih secara berjemaah yang diimamkan oleh Mufti Melaka Datuk Wira Abdul Halim Tawil.

Pusat Informasi Pelancongan berwajah baru akhir Mei ini

BANDA HILIR - Pusat Informasi Pelancongan yang terletak di Persimpangan Jalan Jonker, Banda Hilir bakal berwajah baru pada hujung Mei ini.

Pegawai Pelancongan Kanan Lembaga Penggalakan Pelancongan Malaysia, Noorazrin Abdullah berkata, walaupun tidak beroperasi sejak Perintah Kawalan Pergerakan (PKP) dilaksanakan pada pertengahan Mac tahun lepas, namun pihaknya telah melakukan perancangan untuk menghidupkan kembali pusat informasi tersebut.

"Umum mengetahui, sejak PKP telah diaktifkan pada Mac tahun lepas, usaha untuk mengubahsuai pusat tersebut agak terbantut, ditambah pula aktiviti pelancongan juga terkesan akibat pandemik COVID-19, buat sementara waktu ini pusat tersebut tidak akan beroperasi."

"Namun, kerja baik pulih pusat tersebut dijangka bermula bulan depan dan siap dalam masa sebulan," jelasnya kepada Melaka Hari Ini.

Tambahnya, jika kerja baik pulih pusat tersebut siap sepenuhnya, ianya dijangka akan dirasmikan sendiri oleh Yang di-Pertua Negeri, Tun Seri Setia Mohd Ali Mohd Rustam.



PUSAT Informasi Pelancongan di Persimpangan Jalan Jonker, Banda Hilir, bakal berwajah baharu dan dijangka kerja baik pulih pusat itu siap sepenuhnya hujung Mei ini.

RM253,500 untuk 199 penggiat industri pelancongan di Melaka

Mohamad Fazrul Abdul Majid

AYER KEROH - Seramai 199 penggiat industri pelancongan yang terkesan dengan pandemik COVID-19 di negeri ini menerima bantuan sekali bayar (one-off) keseluruhan berjumlah RM253,500 daripada Kerajaan Melaka, baru-baru ini.

Ketua Menteri Datuk Seri Utama Sulaiman Md Ali berkata, bantuan itu merangkumi pemberian RM1,000 kepada 120 pengusaha Agensi Kembara Pelancongan Negeri Melaka, bantuan RM2,000 kepada sembilan pengusaha inap desa (homestay) dan bantuan RM1,500 kepada 67 pengusaha chalet Bumiputera negeri Melaka.

"Selain itu, bantuan sekali bayar RM5,000 turut diberikan kepada tiga persatuan iaitu Persatuan Pelancongan Melaka (MTA), Persatuan Hotel Malaysia Melaka (MAH) dan Persatuan Hotel Bajet Negeri Melaka (MyBHA)," katanya berucap pada Majlis Penyampaian Bantuan One-Off Kerajaan Negeri Melaka Kepada Penggiat Industri Pelancongan negeri Melaka di sebuah hotel di sini.

Hadir sama Pengurus Jawa-tankuusa Pelancongan, Warisan

dan Kebudayaan negeri Datuk Muhammad Jailani Khamis dan Pengurus Besar Bahagian Promosi Pelancongan (BPP) Sa'ari Basiron.

Sulaiman berharap bantuan disalurkan dapat membantu penggiat industri pelancongan Melaka meneruskan kelangsungan perniagaan sepanjang tempoh yang sukar kini.

"Besar harapan saya agar penggiat industri pelancongan akan berganding bahu dengan kerajaan negeri dalam memastikan Melaka kekal menjadi destinasi pelancongan yang wajib dilawati," katanya.

Dalam pada itu, Sulaiman memaklumkan kerajaan negeri menerusi BPP dan dengan kerjasama Perbadanan Produktiviti Malaysia (MPC) sedang melaksanakan Program Pensijilan Patuh dan Amal prosedur operasi standard (SOP) COVID-19 Negeri Melaka.

Melalui program itu, ujarnya, Melaka bakal menjadi negeri pertama di Malaysia ke arah 100 peratus patuh dan amal SOP COVID-19 di premis dan fasiliti pelancongan.

"Saya yakin usaha ini dapat meningkatkan lagi tahap keyakinan pelancong untuk mengunjungi Melaka," katanya lagi.



SULAIMAN (tengah) menyerahkan replika cek kepada Presiden Persatuan Pelancongan Melaka (MTA), Madeline Kuah (kanan) pada Majlis Penyampaian Bantuan One-off Kerajaan Negeri Melaka kepada 199 penggiat industri pelancongan di sebuah hotel di Ayer Keroh, baru-baru ini.

Sistem kupon diwajibkan di pasar Ramadan

Mohamad Fazrul Abdul Majid

SEMUA pasar dan bazar Ramadan di negeri ini diwajibkan menggunakan sistem kupon berkuat kuasa serta merta bagi mengawal jumlah pengunjung di dalam bazar pada satu-satu masa.

Ketua Menteri Datuk Seri Utama Sulaiman Md Ali berkata, sistem itu bukanlah perkara baharu, sebaliknya ia sudah termaktub dalam prosedur operasi standard (SOP) oleh Majlis Keselamatan Negara bagi penganjuran pasar dan bazar Ramadan.

Namun, berikutnya ada dalam kalangan penganjuran pasar dan bazar Ramadan di negeri ini belum melaksanakan sistem itu, beliau menggesa agar arahan itu dipatuhi untuk mengelakkan daripada tindakan keras diambil.

"Saya tahu ada (peng-

jur) pasar dan bazar Ramadan di Melaka sudah buat sejak dari awal dahulu. Cuma masih ada yang didapati belum melaksanakan sistem serupa. Jadi, saya minta mana yang belum laksanakan itu, laksanakanlah segera.

"Sistem berkupon ini bukan benda baharu. Ia penting untuk mengawal kapasiti pengunjung dan sememangnya sudah termaktub dalam SOP sebelum ini," katanya.

Mengulas lanjut, Sulaiman berkata, pihak polis juga akan memantau pematuhan SOP di setiap pasar dan bazar Ramadan.

Bazar Jalan Hang Tuah niaga MBMB sedia bantu peniaga

AYER KEROH - Majlis Bandaraya Melaka Bersejarah (MBMB) bersedia membantu peniaga bazar di Jalan Hang Tuah untuk berpindah ke tapak baharu termasuk di bazar Klebang berikutnya kurang sambutan pengunjung.

Ia bagi mengelak peniaga yang menyewa di tapak itu terus mengalami kerugian kerana tidak dapat menjual barang mereka.

Setiausaha MBMB Sulaiman Atan berkata, bagaimanapun peniaga perlu memastikan jika ada tapak yang kosong di bazar Klebang.

"Berhubung dengan pemindahan peniaga ke bazar Klebang ia bergantung ke-

pada sama ada kekosongan tapak niaga atau tidak.

"Keduanya, mengenai bayaran sewa ditetapkan oleh penganjuran di sana, sebab bayaran sewa sudah pun dibuat peniaga sebelum ini kepada penganjuran di bazar Jalan Hang Tuah iaitu Koperasi Progresif Rakyat Negeri Melaka Berhad.

"Kita dimaklumkan sewa bazar Jalan Hang Tuah untuk satu tapak RM2,500 tapi di Klebang kita tak pasti," katanya kepada MHI selepas Program Pengagihan Bubur Lambuk Kepada Anggota MBMB anjuran Nestle di MBMB di sini, baru-baru ini.

Menurutnya, MBMB juga berharap penganjuran

bazar Klebang dapat bertolak ansur dengan memberi potongan harga sewa jika peniaga yang terkesan itu dapat berpindah ke bazar itu.

"Kita harap jika penganjuran bersetuju mungkin mereka boleh bagi peluang kepada peniaga ini sebab mereka dah bayar untuk bazar di Jalan Hang Tuah."

"Atau penganjuran di Jalan Hang Tuah juga boleh pulangkan kembali sewa tapak itu," katanya.

Beliau diminta mengulas isu hanya tiga peniaga sahaja mendaftar untuk berniaga di bazar Jalan Hang Tuah ketika ini daripada 100 khemah yang disediakan penganjuran.



ANGGOTA Jabatan Sukarelawan Malaysia (Rela) Azlinayanti Sarif (kiri) ketika memberi kupon kepada salah seorang pengunjung yang hadir ke pasar Ramadan di Taman Cempaka, baru-baru ini. FOTO MR. AZLI

MPJ kongsi rezeki dengan golongan memerlukan



SAPIAH (dua kiri) ketika meninjau barang keperluan harian yang disediakan dalam Program Kongsi Rezeki Ramadan 2021 di Jasin, baru-baru ini.

'Terima kasih MPHTJ'

Faiz Hasan

AYER KEROH – Seramai 30 individu kurang berkehilmuan membabitkan beberapa kawasan Dewan Undangan Negeri (DUN) di bawah Hang Tuah Jaya ceria menerima sumbangan kit makanan, wang tunai dan pakaian percuma dalam program Sumbangan Aidilfitri 2021.

Penyampaian sumbangan itu disempurnakan Yang Dipertua Majlis Perbandaran Hang Tuah Jaya (MPHTJ), Datuk Shadan Othman dalam majlis ringkas di Melaka Mall, di sini, baru-baru ini.

Seorang penerima, Zailani Puteh, 47, berkata, dia terharu mendapat bantuan itu yang sedikit-sebanyak meringankan beban keluarganya ketika musim pandemik COVID-19 ini, apakah lagi dia kini kehilangan pekerjaan sebagai pemandu lori.

Katanya, mereka sekeluarga kini bergantung harapan kepada anak sulung dalam meneruskan kehidupan.

"Buat masa ini saya hanya menjaga isteri yang lumpuh separuh badan sejak setahun lalu. Syukur dan terima kasih atas bantuan ini."

"Menerusi program anjuran MPHTJ kali ini turut memberi pakaian percuma kepada penerima. Alhamdulillah, lega hati saya melihat anak dapat memilih pakaian percuma di Charity Outlet ini untuk

syawal nanti," katanya yang menetap di Batu Berendam.

Jantan Limal, 68, turut meluahkan rasa syukur atas pemberian kit makanan dan wang tunai menerusi program itu.

"Akhirnya pada bulan mulia tahun ini dapat juga saya merasa sumbangan seperti ini yang membantu saya yang hanya bekerja sendiri di kampung."

"Terima kasih kepada MPHTJ dan semua yang ambil berat terhadap nasib golongan asnaf seperti kami," katanya.

Dalam pada itu Shadan berkata, program sumbangan itu merupakan program tahunan pihaknya bagi membantu dan menceriakan golongan kurang bernasib baik menyambut Aidilfitri.

"Ini merupakan program tahunan buat mana-mana perayaan yang diraikan setiap tahun bagi membantu golongan yang bekeperluan."

"Dalam pada itu bagi menjunjung hasrat ini kita mengharapkan mana-mana syarikat besar yang memerlukan platform untuk menyerahkan sumbangan, MPHTJ sedia membantu mereka agar ia terus diterima kepada golongan sasaran," katanya.

Program bantuan anjuran (MPHTJ) itu turut mendapat kerjasama Pasaraya Mydin dan Mamee Double Decker (M) Berhad.



ZAILANI (tengah) mengukur baju yang dipilih untuk anaknya pada program Sumbangan Aidilfitri 2021 anjuran MPHTJ di Melaka Mall, Ayer Keroh, baru-baru ini.

JASIN – Majlis Perbandaran Jasin (MPJ) menghulurkan sumbangan berupa pakaian dan barang keperluan harian buat anggota masyarakat kurang berkemampuan khususnya di daerah ini menerusi Program Kongsi Rezeki Ramadan 2021 yang berlangsung selama empat hari bermula 20 hingga 23 April lepas.

Yang Dipertua MPJ Datin Sapiyah Haron berkata, inisiatif membantu rakyat khususnya golongan yang memerlukan, sentiasa menjadi agenda utama MPJ lebih-lebih lagi ketika Ramadan yang mulia ini.

Katanya, ia selari dengan slogan 'MPJ Prihatin Di Hatiku' yang menjadi elemen di dalam setiap urusan serta perkhidmatan yang diberikan warga kerjanya.

"Program Kongsi Rezeki Ramadan 2021 ini menyasarkan golongan kurang berkemampuan, berpendapatan rendah,

fakir miskin, anak-anak yatim, ibu tunggal dan Orang Kelainan Upaya (OKU).

"Inisiatif dilaksanakan MPJ ini bagi menceriakan penerima sumbangan untuk menyambut Aidilfitri tahun ini," katanya.

Dalam pada itu, Sapiyah berkata, program anjuran bersama Kelab Rekreasi Dan Kebajikan (KLICK) MPJ, Anulae Cawangan Jasin dan MPJ itu satu daripada aktiviti ta-hunan yang dijalankan secara berkala.

"Mereka yang kurang berkemampuan khususnya di Daerah Jasin amat dialu-alukan hadir untuk mengambil pakaian serta barang keperluan harian yang sedia ada."

"Justeru itu, diharapkan program khidmat masyarakat seperti ini, sedikit sebanyak dapat memberi manfaat kepada golongan yang memerlukan, sekali gus menceriakan mereka untuk menyambut Hari Raya Aidilfitri," katanya.



"Polis buat rondaan pada Aidilfitri, akan 'singgah' rumah banyak kereta.."

INFOGRAFIK : MELAKA HARIINI / SUMBER : PENGARAH TABATAN KESELAMATAN DALAM NEGERI DAN KETENTERAMAN AWAM (KONKA) BUKIT AMAN, DATUK SERI ABD RAHIM JAAFAR

Melaka Hari Ini www.melakahariini.my Mtv



PEJABAT TYT YANG DI-PERTUA NEGERI MELAKA KENYATAAN SEBUTHARGA

Sebutharga adalah dipelawa daripada kontraktor-kontraktor yang berdaftar dengan Kementerian Kewangan Malaysia dan masih dibenarkan membuat tawaran bagi perkhidmatan berikut:

No. Rujukan	Tajuk Sebutharga	Kod Bidang	Tarikh & Masa Tutup Sebutharga
PTYT(S) 400/2/3 (37)	Perkhidmatan Pengindahan Bangunan/Hiasan Dalaman Pejabat TYT Yang di-Pertua Negeri Melaka	221401 – Hiasan Dalaman	30 April 2021 (Jumaat) Jam 12.00 tgh.

2. Dokumen sebutharga boleh didapati di **Pejabat TYT Yang di-Pertua Negeri Melaka, Jalan Seri Negeri, Hang Tuah Jaya, Ayer Keroh, 75450 Melaka** dengan percuma pada waktu pejabat seperti berikut:

Iasnin hingga Khamis	: 8.00 pagi - 12.30 tengah hari dan 2.00 petang - 5.00 petang
Jumaat	: 8.00 pagi - 12.00 tengah hari dan 2.45 petang - 5.00 petang
3. Pemohon dibenarkan melihat kawasan bangunan Pejabat TYT pada bila-bila masa waktu pejabat mulai **22 April 2021 (Iasnin)** sebelum mengemukakan tawaran.
4. Dokumen yang telah sempurna dilengkapi hendaklah dimasukkan ke dalam sampul surat bermeterai dan di tulis "**SEBUTHARGA PERKHIDMATAN PENGINDAHAN BANGUNAN/HIASAN DALAMAN PEJABAT TYT YANG DI-PERTUA NEGERI MELAKA**" di penjuru kiri sampul berkenaan. Dokumen hendaklah dihantar di alamat di atas pada atau sebelum tarikh tutup. Permohonan yang lewat diterima tidak akan dipertimbangkan.
5. Pejabat TYT Yang di-Pertua Negeri Melaka tidak terikat untuk menerima Sebutharga dengan harga terendah atau mana-mana Sebutharga atau memberi apa-apa sebab di atas penolakan sesuatu Sebutharga. Keputusan Jawatankuasa Sebutharga Pejabat TYT Yang di-Pertua Negeri Melaka adalah muktamad.

Sebarang pertanyaan boleh dibuat melalui talian berikut : 06-2307218



50 tahun
1971-2021

PKNM Progresif

Tarikh

1 MEI 2021 (Sabtu)

bersamaan
19 Ramadan 1442H



"Kembara Jelajah 28 DUN Negeri Melaka"

Penyampaian Sumbangan Kit Ramadan

Sindiket rokok seludup dan minuman keras tumpas

Farah Suhaidah Othman

AYER KEROH – Polis Melaka merampas 928,050 batang rokok putih dan kretak, 78 tin serta 45 botol minuman keras, keseluruhan dia nggarkan bernilai RM685,000 menerusi Op Kontraban, baru-baru ini.

Menerusi operasi dilakukan pegawai dan anggota Jabatan Sia-

satan Jenayah (JSJ) Ibu Pejabat Polis Kontinjen (IPK) Melaka dan Batalion 6, Pasukan Gerakan Am (PGA) itu sekali gus melumpuhkan sindiket penyeludupan rokok dan minuman keras tanpa cukai yang menjadikan negeri ini sebagai pusat pengedaran.

Ketua Polis Melaka Datuk Abdul Majid Mohd Ali berkata, menerusi serbuan dalam

operasi itu pihaknya menahan 10 suspek termasuk seorang wanita berusia antara 22 hingga 62 tahun.

Katanya, turut dirampas empat kenderaan iaitu dua kereta Proton Exora dan masing-masing sebuah Honda City dan Honda Accord yang keseluruhannya dia nggarkan bernilai RM280,000.

"Kita percaya semua rokok dan minuman keras yang dirampas

adalah untuk pasaran Melaka dan bekalan ini diperolehi daripada luar negeri ini, bermakna aktiviti penyeludupan ini tidak berlaku di sini tetapi dilakukan di luar Melaka, cuma di Melaka ni dijadikan pusat pemasaran sahaja," katanya.

Beliau berkata demikian pada sidang media di Mes Pegawai Kanan di IPK negeri di sini, baru-baru ini yang turut dihadiri Ketua JSJ negeri, Asisten Komisioner Mohd Sukri Kaman dan Pegawai Turus Gerakan Briged Tengah Pasukan Gerakan Am, Deputi Superintendant Mohd Mazlan Mohd Ariff.

Mengulas lanjut Abdul Majid berkata, siasatan awal mendapati sindiket berkenaan aktif menjalankan kegiatan itu sejak setahun lalu dan berselindung di sebalik stor simpanan barang runcit untuk menyimpan rokok dan minuman keras seludup itu.

"Sindiket itu menggunakan rumah serta stor simpanan barang runcit sebagai tempat penyimpanan rokok seludup dan minuman keras sebelum diedarkan ke kedai runcit dan pasar raya terpilih," katanya.

Abdul Majid berkata, semua suspek direman sehingga 27 April untuk siasatan lanjut dan kes disiasat mengikut Seksyen 135(1)(d) Akta Kastam 1967, yang boleh dihukum penjara tidak lebih lima tahun dan denda tidak lebih RM500,000 atau kedua-duanya, jika sabit kesalahan.

Dalam pada masa, beliau turut menasihatkan orang awam supaya tidak membeli barang seludup bagi mengelakkan aktiviti penyeludupan ini berleluasa.

Kem kepimpinan serlah potensi diri

JASIN – Seramai 41 individu menyertai Kem Kepimpinan Majlis Perwakilan Pelajar (MPP) Born to be a leader anjuran Unit Hal Ehwal Pelajar (HEP) Kolej Cosmopoint Melaka di Taman Eko Rimba, Bukit Batu Lebah, Jasin pada 9 April lalu.

Pensyarah Seni Reka Grafik Berkomputer/HEP Kolej Cosmopoint Melaka Hafiza Wahida Abd Kadir berkata, kem berkenaan turut mendapat kerjasama MPP Kolej Cosmopoint Kuantan, Jabatan Belia dan Sukan Melaka serta Persatuan Sukan dan Rekreasi Wanita Malaysia.

Menurutnya, majlis pembukaan program disempurnakan Ketua Pegawai Eksekutif (CEO) Cosmopoint Sdn Bhd Najmie Noordin dan turut dihadiri Ketua Eksekutif/Pengurus Cawangan Kolej Cosmopoint Melaka Mazvin Jaha-bardeen.

"Seramai 41 orang terlibat dalam kem tersebut yang bertujuan melengkapkan diri peserta bagi menghadapi cabaran ke arah kemahiran dan penyerahan potensi diri.

"Program tiga hari dua malam ini menerapkan aktiviti latihan dalam kumpulan (LDK) dan ujian ketahanan lasak di kalangan peserta selain aktiviti pembelajaran kompas dan mendaki Bukit Batu Lebah," katanya.

Majlis perasmian penutup kemudian disempurnakan pegawai kanan Jabatan Belia dan Sukan Melaka Tengah Norazlin Sarun.

"Jika orang ramai tidak membeli rokok dan minuman keras tanpa cukai itu sudah pasti aktiviti penyeludupan tidak berlaku, ini bermakna tanggungjawab masyarakat lebih penting bagi mencegah kegiatan jenayah itu," katanya.



ABDUL Majid (empat dari kanan) bersama pegawai-pegawai menunjukkan barang rampasan selepas sidang akhbar rampasan rokok dan minuman keras di Mes Pegawai Kanan Polis di IPK Melaka, Bukit Beruang, baru-baru ini.

FOTO MR. AZLI

Hidap kencing manis tapi merokok alasan tidak berpuasa

AYER KEROH – Peniaga lelaki warga emas dan pelanggannya yang mendakwa menghidap kencing manis didenda pihak berkuasa berikutan menjual makanan kepada orang Islam pada waktu siang dan merokok di tempat awam, baru-baru ini.

Operasi Tak Puasa dijalankan sepasukan penguatkuasaan Jabatan Agama Islam Melaka (JAIM) itu membabitkan lapan anggota yang melakukan operasi di sekitar kawasan panas di sekitar bandar ini.

Ops turut disertai Pengarah JAIM Datuk Che Shukri Che Mat dan Ketua Pegawai Penguatkuasa Agama Negeri Melaka Akmal Nadzim Abdullah.

Che Sukri berkata, hasil

pemeriksaan di sebuah premis restoran di Bukit Baru baru-baru ini didapat menjual makanan kepada orang Islam yang tidak berpuasa secara pandu lalu (drive-thru).

"Premis berkenaan menyediakan pelbagai nasi campur dan air minuman telah siap dibungkus untuk dijual kepada pembeli.

"Pegawai Penguatkuasa Agama (PPA) telah melakukan penyamaran dan pemerhatian sebelum pemeriksaan dijalankan dan didapat berlakunya aktiviti membeli makanan secara pandu-lalu (tanpa turun daripada kenderaan).

"Ketika serbuan dijalankan, pembeli lari meninggalkan restoran tersebut,"

katanya ketika dihubungi Melaka Hari Ini.

Mengulas lanjut, beliau berkata, menerusi serbuan itu, pemilik premis berusia 62 tahun menafikan menjual makanan dan minuman kepada masyarakat Islam sebaliknya menjual kepada orang bukan Islam.

"Dalam serbuan itu, JAIM turut mengesahkan lelaki berusia 53 tahun sedang menghisap rokok ketika sedang menunggu bungkusan makanan yang dipesan daripada premis terbabit.

"Lelaki tersebut bagaimanapun menggunakan alasan sakit kencing manis namun alasan itu tidak relevan dengan tindakannya menghisap rokok di tempat awam," katanya.

Che Sukri berkata, berikutnya pemilik premis berkenaan diberikan surat perintah hadir mengikut Seksyen 49 Enakmen Kesalahan Syariah Negeri Melaka 1991 untuk siasatan lanjut yang boleh dikenakan denda tidak lebih daripada RM1,000 atau dipenjara selama tempoh tidak melebihi enam bulan.

"Manakala seorang lagi lelaki yang melakukan kesalahan merokok pada waktu siang bulan Ramadan dikenakan denda mengikut Seksyen 49 Enakmen Kesalahan Syariah (Negeri Melaka) 1991, yang boleh dikenakan denda tidak lebih daripada RM500 atau dipenjara selama tempoh tidak melebihi tiga bulan," katanya.



PENIAGA premis berusia 62 tahun ketika disoal penguatkuasa JAIM setelah didapati menjual nasi campur dan minuman kepada orang Islam yang tidak berpuasa secara pandu lalu, baru-baru ini.



MIMBAR MAIM

"Benar-benar sangat beruntung orang-orang yang membersihkan diri dengan beriman dan sentiasa berzikir menyebut nama Tuhan mereka serta mengerjakan sembahyang." (Surah Al-A'la, ayat 14-15)

"Demi sesungguhnya! Kami akan menguji kamu dengan sedikit ketakutan, kelaparan, dan kekurangan dari harta benda serta jiwa dan hasil tanaman. Dan berilah khabar gembira kepada orang yang sabar." (Surah Al-Baqarah, ayat 155)

MAIM perkukuh bantuan kepada asnaf

Sebanyak 19 skim bantuan telah disediakan oleh MAIM dan semuanya tertumpu kepada golongan asnaf yang ada dalam usaha membantu mereka menikmati kehidupan yang lebih baik.

Erwin Abu Hasan
erwin@maim.gov.my

MELAKA TENGAH - Masyarakat Islam khususnya golongan asnaf di negeri ini menjadi keutamaan kepada Majlis Agama Islam Melaka (MAIM) untuk membantu sahsiah kehidupan mereka.

Melalui Bahagian Agihan Zakat MAIM setiap permohonan dan bantuan yang ada akan disalurkan kepada mereka yang memerlukan dan pastinya layak untuk menerima bantuan zakat.

Berdasarkan skim bantuan yang telah disediakan oleh MAIM, golongan asnaf yang ada akan dapat menikmati bantuan yang diberi dengan sebaiknya.

MAIM sentiasa meneliti setiap maklumat dan laporan yang diterima daripada setiap permohonan dalam usaha memastikan mereka yang be-

nar layak akan dibantu.

Dalam waktu yang sama setiap bantuan yang ada sentiasa dipastikan akan sampai ke sasarannya khususnya golongan lapan asnaf yang telah termaktub dalam al-Quran.

Sebanyak 19 skim bantuan telah disediakan oleh MAIM dan semuanya tertumpu kepada golongan asnaf yang ada dalam usaha membantu mereka menikmati kehidupan yang lebih baik.

Tegasnya lagi, bantuan makanan bulanan merupakan skim bantuan utama yang diberikan tumpuan bagi pengagihan kepada asnaf fakir dan miskin di negeri ini.

Pendidikan anak-anak asnaf turut mendapat bantuan dan perhatian sewajarnya untuk memastikan mereka mendapat pendidikan yang sebaiknya bagi membantu keluarga mereka di masa akan datang.

Peranan masyarakat sekeliling juga amat ditajih dan seterusnya menjadi mata dan telinga bagi membantu MAIM menyampaikan bantuan kepada mereka yang layak.

Bantuan penyakit kronik seperti kanser dan rawatan haemodialisis juga disediakan serta beberapa bantuan lain yang dirasakan sesuai untuk disalurkan kepada golongan asnaf.

Dengan adanya Skuad Agihan Zakat Melaka (SAZ) MAIM di setiap daerah, akan memberi ruang yang lebih jelas serta pencarian asnaf dapat dilaksanakan dengan lebih pantas dan berkesan.

Orang ramai yang ingin mendapatkan maklumat lanjut berkaitan bantuan yang disediakan boleh hubungi MAIM di talian 06-2881881 / 1882 atau layari laman sesawang www.maim.gov.my.

Skim BANTUAN MAIM		
01 Bantuan Makanan Bulanan Kelayakan : Asnaf fakir, miskin, muallaf	02 Bantuan Sarana Sekolah Kelayakan : Asnaf fakir, miskin, muallaf	03 Bantuan Sarana Anak IPT Kelayakan : Asnaf fakir, miskin, muallaf
04 Bantuan Sakit Kronik Kelayakan : Asnaf fakir, miskin, muallaf	05 Bantuan Sakit Terlantar Kelayakan : Asnaf fakir, miskin, muallaf	06 Bantuan Skim Simpanan Fakir Kelayakan : Asnaf fakir sahaja
07 Bantuan Sewa Kediaman (Asnaf) Kelayakan : Asnaf fakir, miskin, muallaf	08 Bantuan Rawatan Dialisis (Rawatan Bakar Sumur & Sinar Haemodialisis Sdn. Bhd.) Kelayakan : Asnaf fakir, miskin, muallaf & *terbuka	09 Bantuan Persediaan Ramadhan Syawal Kelayakan : Asnaf fakir, miskin, muallaf
10 Bantuan Pakaian Sekolah Kelayakan : Asnaf fakir, miskin, muallaf	11 Pekerja Sukarelawan Kelayakan : Asnaf fakir, miskin, muallaf	12 Bantuan Alat Bantu Pulih Kelayakan : Asnaf fakir, miskin, muallaf & *terbuka
13 Bantuan Khairat Kematian Kelayakan : Asnaf fakir, miskin, muallaf	14 Bantuan Yuran Sekolah (Anak Asnaf) Kelayakan : Asnaf fakir, miskin, muallaf	15 Bantuan Am Kelayakan : Asnaf fakir, miskin, muallaf & *terbuka
16 Bantuan Kecemasan/ Makanan Kecemasan Kelayakan : Asnaf fakir, miskin, muallaf & *terbuka	17 Bantuan Pembaikan Rumah (Asnaf) Kelayakan : Asnaf fakir, miskin, muallaf	18 Bantuan Aidiyah Kelayakan : Asnaf fakir sahaja
19 Bantuan Skim Simpanan Muallaf Kelayakan : Asnaf muallaf sahaja	*terbuka mengikut Had Kifayah dan kesesuaian kelayakan kategori asnaf	

SENARAI skim bantuan yang disediakan MAIM.



LAPORKAN KEPADA MAIM MEREKA YANG DALAM KESUSAHAN

Melaka Tengah | 06-283 7416 / 06-284 9809
06-288 1881 / 06-288 1882

Jasin | 06-529 8415
06-529 8417

Alor Gajah | 06-384 2699

Merlimau | 06-263 9505

Website | www.maim.gov.my

Email | admin@maim.gov.my

Youtube | [majlis agama islam melaka](#)

Facebook | [facebook/maimmelaka](#)



Zakat Diberkati, Asnaf Disantuni



PRIHATIN...Pengagihan kit cenderahati berisi kurma, air mineral dan juga pelitup muka kepada sebahagian asnaf sempena Program Marhaban Ya Ramadan MAIM baru-baru ini. Agihan kit berkenaan turut melibatkan beberapa hospital serta mereka yang bertugas di barisan hadapan sepanjang tempoh Perintah Kawalan Pergerakan Pemulihian (PKPP) di negeri ini.



PEGAWAI Dakwah Jabatan Agama Islam Melaka (JAIM), Adib Hatim mengetua dan menyampaikan sumbangan Kit Iftar Ramadan kepada petugas barisan hadapan antaranya Ibu Pejabat Polis Kontinjen Melaka dan Pejabat RELA Negeri. Program Street Iftar ini merupakan inisiatif daripada Bahagian Dakwah JAIM membantu dan menyampaikan kit makanan kepada mereka yang bertugas sepanjang bulan ramadan ini.



SUMBANGAN mesin alat bantuan pernafasan kepada waris Syukri Arahman yang sedang dirawat di Unit Rawatan Rapi Hospital Jasin baru-baru ini. Mesin berkenaan merupakan sumbangan Permodalan Nasional Berhad (PNB) dengan kerjasama Majlis Agama Islam Melaka (MAIM) dan Zakat Melaka (ZM).



MELAKA TENGAH

- AIR KEROH D'VILLAGE SDN BHD
- AMVERTON HERITAGE RESORT
- AYER KEROH COUNTRY RESORT
- BAYOU LAGOON PARK RESORT SDN BHD
- BAYVIEW HOTEL
- CASA BONITA HOTEL
- ESTADIA HOTEL
- HATTEN HOTEL (MELAKA) SDN BHD
- HATTEN PLACE SDN BHD
- HOLIDAY INN MELAKA HOTEL
- HOTEL AMES
- HOTEL SENTRAL MELAKA
- HOTEL KOBEMAS
- HOTEL METRASQUARE
- HOTEL PANTAI PUTERI
- HOTEL SENTRAL RIVERVIEW MELAKA SDN BHD
- HOTEL SERI COSTA
- HOTEL SERI MALAYSIA MELAKA
- IBIS HOTEL
- IMPERIAL HERITAGE HOTEL
- KINGS HOTEL MELAKA
- TUN FATIMAH RIVERSIDE HOTEL
- LA BOSS HOTEL SDN BHD
- MARVELUX SDN BHD
- MITC HOTEL
- MUDZAFAR HOTEL
- NOVOTEL MELAKA
- ROSA HOTEL
- SWISS GARDEN HOTEL MELAKA

HOTEL LA CRISTA
TEMASEK BOUTIQUE HOTEL SDN BHD

ALOR GAJAH

A'FAMOSA RESORT HOTEL SDN BHD

JASIN

TIADA

Kaedah 1

Sitrah Online

Niat • Imbas • Bayar
Kini di Hujung Jari Anda, Hanya Imbas QRPay



RM7
*Kadar Wajib Bagi Bayaran Zakat Fitrah



JENIS BERAS (Kadar RM 7.00)
Super Spesial Tempatan (5% hancur & ke bawah)
*Panduan kiraan mengikut tanggungan

1 orang	RM 7.00	2 orang	RM 14.00	3 orang	RM 21.00
4 orang	RM 28.00	5 orang	RM 35.00	6 orang	RM 42.00

JENIS BERAS (Kadar RM 14.00)
Beras Super Import, Beras Perang, Beras Putih, Herba Poni, Beras Wangi, Beras Basmati, Beras Jepun & Beras Merah
*Panduan kiraan mengikut tanggungan

1 orang	RM 14.00	2 orang	RM 28.00	3 orang	RM 42.00
4 orang	RM 53.00	5 orang	RM 70.00	6 orang	RM 84.00



"LOG MASUK" APLIKASI PERBANKAN INTERNET & PILIH "QRPAY"



"IMBAS QR CODE" & MASUKKAN AMAUN KLIK "PAY"



TRANSAKSI BERJAYA & ANDA AKAN TERIMA SMS PENGESAHAN BAYARAN



*Anda boleh klik "Share Payment Slip" untuk sajukan.

*Anda boleh klik "Pay More" untuk penambahan bayaran.

Maybank

ZAKAT MELAKA

Kaedah 2

Zakat Sitrah MELALUI PORTAL e-BAYAR KERAJAAN NEGERI MELAKA

ebayar.melaka.gov.my



LOG MASUK PORTAL E-BAYAR KERAJAAN NEGERI MELAKA & PILIH "BAYARAN SECARA TERUS"



PILIH AGENSI "ZAKAT MELAKA" & PILIH JENIS ZAKAT "ZAKAT FITRAH" & PENUHKAN BUTIRAN KLIK "TERUSKAN"



TRANSAKSI BERJAYA!



TRANSAKSI BERJAYA!

*Kadar Wajib Bagi Bayaran Zakat Fitrah Mengikut Jenis Beras Yang Dimakan

JENIS BERAS (Kadar RM 7.00)

Super Spesial Tempatan (5% hancur & ke bawah)

*Panduan kiraan mengikut tanggungan

1 orang	RM 7.00	2 orang	RM 14.00
3 orang	RM 21.00	4 orang	RM 28.00
5 orang	RM 35.00	6 orang	RM 42.00

JENIS BERAS (Kadar RM 14.00)

Beras Super Import, Beras Perang, Beras Putih, Herba Poni, Beras Wangi, Beras Basmati, Beras Jepun & Beras Merah

*Panduan kiraan mengikut tanggungan

1 orang	RM 14.00	2 orang	RM 28.00
3 orang	RM 42.00	4 orang	RM 56.00
5 orang	RM 70.00	6 orang	RM 84.00



JABATAN MUFTI NEGERI MELAKA

TAKWIM HIJRI DI MALAYSIA



Penyelarasan dan penghasilan takwim hijri adalah antara cabang ilmu falak syarie yang menjadi asas penting dalam kehidupan manusia.

Umat Islam secara umumnya dapat menentukan awal bulan Ramadhan, Syawal dan Zulhijjah dalam pelaksanaan ibadah. Ilmu falak syarie mempunyai peranan yang sangat penting dalam penentuan awal bulan hijri, penentuan waktu solat dan penyediaan takwim Islam. Perkara ini adalah penting dalam menjamin kesejahteraan umat Islam. Berdasarkan sumber Al-Quraan dan Al-Sunnah umat Islam dapat menyelaraskan dalam penghasilan takwim hijri.

Allah SWT berfirman

"Oleh itu, sesiapa dari antara kamu yang menyaksikan hilal Ramadhan (atau megetahui), maka hendaklah ia berpuasa bulan itu".

Surah Al-Baqarah :185

"Mereka bertanya kepadamu wahai Muhammad mengenai hal hilal. Katakanlah hilal itu menandakan waktu-waktu manusia, khususnya ibadat haji".

Surah Al-Baqarah :189




Jabatan Mufti Negeri Melaka



www.muftimelaka.gov.my

Sitrah Online

Niat • Imbas • Bayar
Kini di Hujung Jari Anda, Hanya Imbas QRPay



RM7
*Kadar Wajib Bagi Bayaran Zakat Fitrah

Available on the App Store
GET IT ON Google Play

Maybank HSBC ABB RHB CIMB BSN

AmBank UOB Mandiri

Shah Alam Bank

Malaysia Islamic Bank

Bank Islam

Bank Rakyat

Bank Simpanan Nasional

Bank Islam Brunei Darussalam



SUMBANGAN kit makanan oleh Bilik Gerakan Covid-19 Agensi Agama Islam kepada Persatuan Grab Food Cawangan Melaka dan Masjid Cina bagi meringankan beban mereka yang terjejas pendapatan sepanjang tempoh pandemik Covid-19 ini.

PEGAWAI Agihan Zakat Daerah Alor Gajah, Mazfazil Ismail bersama Skuad Agihan Zakat Melaka (SAZ) MAIM menziarahi dan menyampaikan sumbangan wang tunai kepada mangsa rumah terbakar, Nurisah Tahir di Kampung Durian Daun Masjid Tanah. Hampir keseluruhan rumah mangsa hangus dijilat api namun tiada kemalangan jiwa berlaku.



SEMAKAN nama jenazah oleh Seksyen MAL MAIM di tanah perkuburan Islam Bidadari Ayer Keroh bagi tujuan pewujudan sistem E-Pusara yang akan dilaksanakan pada tahun ini. Sistem berkenaan merupakan kerjasama antara MAIM bersama Melaka ICT Holding (MICTH) dan Axicom Sdn Bhd.

Ke Manakah Wakaf Anda?



Jam Berwakaf

Wakaf Tunai Melaka

Pengambilan/Pembelian Lot Tanah Bagi Tujuan Keagamaan



Pembangunan Hartanah Wakaf



Kaedah bayaran #1 MELALUI POTONGAN GAJI SECARA BULANAN



Kaedah bayaran #2 Download APPS e-WALLET BOOST



Kaedah bayaran #3 Bayar di Kaunter Wakaf MAIM



Kaedah bayaran #4 MELALUI AKAUN BANK BANK ISLAM (MAIM) 0401 5010 0174 34



Bayaran Wakaf Serendah RM 2.00 Sahaja

Bahagian Wakaf MAIM : 06-283 7416 / 06-284 9809

KUIM KINI UNIVERSITI PENUH

Asasi | Diploma | Sarjana Muda | Sarjana | PhD



KUIM
KOLEJ UNIVERSITI ISLAM MELAKA

**52 PROGRAM
DITAWARKAN**
**PERCUBAAN
SPM DITERIMA**
**INSENTIF KHAS
RM1,000.00 ANAK MELAKA**

8 Fakulti Disediakan :

- Fakulti Keilmuan Islam
- Fakulti Sains Sosial
- Fakulti Bahasa dan Pendidikan
- Fakulti Pengurusan Hospitaliti dan Pelancongan
- Fakulti Inovasi Perniagaan dan Teknologi
- Fakulti Kejururawatan dan Sains Kesihatan
- Fakulti Undang-Undang, Governan dan Hubungan Antarabangsa
- Fakulti Teknologi Maklumat dan Media Digital

**PERMOHONAN
KINI DIBUKA**

www.kuim.edu.my

KEMASUKAN BERMULA:
24 MEI 2021

MOHON SEGERA

www.kuim.edu.my

Pejabat Pemasaran dan Akademik KUIM:

06 - 387 8267 / 8420 / 8417



Noraini
Kadri

(016 - 690 5052)
(017 - 329 3562)

Hizamudeen
Safwan

(014 - 949 2254)
(017 - 427 0407)

KUIM KINI UNIVERSITI PENUH



SMART A+

SOALAN LATIHAN &
TEKNIK MENJAWAB SPM
SUBJEK : BAHASA MELAYU

"JOM SERTAI KELAS TUISYEN 2021
BERSAMA KIBGIM" /n "Hubungi Kami :
011-15116270 / 019-2886270".



Tips & Trick Bahasa Melayu Kertas 1 [SPM]

Tips!

1. **Buat karangan pada BAHAGIAN B dahulu;** Sebabnya korang mungkin akan khusuk buat karangan bahagian A hingga lupa pasal karangan bahagian B.
2. **CATAT ISI karangan dalam bentuk point;** Nak bagi mudah kat korang semua untuk buat karangan.
3. **CATAT juga PERIBAHASA yang ingin di masukkan;** Catat peribahasa yang berkait dengan tajuk karangan korang 2-3 pepatah.
4. **CATAT frasa bombastik (berdarjat tinggi);** Catat beberapa frasa bombastik yang korang faham maksudnya. Contohnya: altruisme, wardah, horizon, evasif dll.


Trick!

1. Cipta mutiara kata SENDIRI !! ; Cipta mutiara kata yang berkait dengan tajuk karangan dan pastikan korang credit kan mutiara kata tu kepada orang ternama.
~~Macam tipu gitu laa-~~ Contoh:-

a. Persis kata cendekiawan barat, ilmu itu ibarat tiang, tanpa tiang, runtuhlah menara, tanpa ilmu, binasalah kita.
2. Putarkan ayat untuk memasukkan peribahasa yang tidak berkaitan;

PERIBAHASA

Ayat atau kelompok kata yang mempunyai susunan yang tetap dan mengandungi pengertian tertentu.



SIMPULAN BAHASA	PERUMPAMAAN	PEPATAH	BIDALAN	KATA-KATA HIKMAT
gelap mata	bagai aur dengan tebing	ada udang di sebalik batu	sudah terang lagi bersuluh	bahasa menunjukkan bangsa
serkap jarang	seperti kera mendapat bunga	ditelan mati emak, diluah mati bapa	daripada segenggam jadi segantang	hilang bahasa, lenyaplah bangsa
mulut tempayan	ibarat anjing kepala buruk	indah khabar daripada rupa	biar genting, jangan putus	masa itu emas
ayam tambatan	laksana bulan dipagari bintang	ukur baju di badan sendiri	ada rupa ada harga	otak cerdas, badan cergas
berat sebelah	bagai lebah menghimpun madu	sudah jatuh ditimpa tangga	biar berputih tulang, jangan berputih mata	pandu cermat, jiwa selamat
telinga lintah	ibarat muncurah air ke daun keladi	ular menyusul akar tidak hilang bisanya	untung sabut timbul, untung batu tenggelam	muafakat membawa berkat
lipas kudung	bagai Belanda meminta tanah	hanya jauhari yang mengenal manikam	sediakan payung sebelum hujan	bertangguh pencuri masa

Bonus!

PENDAHULUAN

1. Dalam meladeni arus pemodenan ini,
2. Dasawarsa ini,
3. Pada era globalisasi ini,
4. Marcapada ini,
5. Umum mengetahui bahawa

MEMULAKAN PERENGGAN ISI

1. Antara
2. Di samping itu,
3. Seterusnya,
4. Dalam pada itu,
5. Begitu juga dengan,

MENGHURAIIKAN ISI

1. Saya berpendapat demikian kerana,
2. Hal ini disebabkan oleh,
3. Hal ini tercetus kerana,
4. Hal ini wujud akibat daripada,
5. Hal ini bersangkut-paut dengan,

MEMBERI CONTOH

1. Contohnya,
2. Misalnya,
3. Tamsilnya,
4. Seperti yang kita sedia maklum,
5. Sebagai contoh,

MENGHURAIIKAN CONTOH

1. Hal ini mengakibatkan,
2. Oleh itu,
3. Maka,
4. Jelaslah bahawa,
5. Justifikasinya,

PENUTUP ISI

1. Kesannya,
2. Natijahnya,
3. Akibatnya,
4. Akhirnya,
5. Kesudahannya,

DUA HURAIAN DALAM SATU ISI

1. Justeru,
2. Tambahan pula,
3. Sementelahan,
4. Sekaligus,
5. Bahkan juga,

PERENGGAN PENUTUP

1. Kesimpulannya,
2. Intihanya,
3. Tuntasnya,
4. Sebagai penutup wacana,
5. Sebagai penghias bicara akhir,

MENERANGKAN PENDAPAT BERBEZA

1. Walau bagaimanapun,
2. Daripada perspektif yang berbeza,
3. Jika dilihat dari sudut lain,
4. Kontradiksinya,
5. Namun begitu,

MEMASUKKAN SLOGAN, MUTIARA KATA, PERIBAHASA

1. Bak kata pepatah Melayu/Cina/Inggeris/Arab
2. Persis kata orang-orang tua,
3. Persis kata cendekiawan,
4. Senario ini persis dengan peribahasa Melayu, yakni
5. Saya berharap agar slogan _____ dijadikan pegangan oleh semua



PROF. Dato' Dr. Ahmad Murad Merican

THERE was a recent response forwarded via the social media critical of "Malay civilization." Apparently it appeared to describe the previous *Melaka Hari Ini* column titled "Ideas on Civilizations: The Homeland Basis for Malaysia's National Culture" (12 April 2021). Among other things, it had argued that the case for advocating Malay civilization through the social media and writings would often be accompanied by "a picture of Malay men doing *silat*...as if *silat* (and men) is what best represents Malay civilization."

The illustration and visuals accompanying the writing is not the work of the writer, nor originating from the writer. It was the decision and authority of the newspaper concerned. I am not defending the work of journalism. But there are constraints and consciousness. At the same time, I would agree with the response of the writer on the problematic of representing Malay civilization.

Problems in representation persists in journalism and media – through headlines, texts, visuals, audio. It also is present in other forms of narrative and aesthetics, such as literature, art and architecture. Truth is, as popularly conceived, would always be the first casualty. No. On the contrary it is the morality in the reading of the narrative, and the interest inherent in the reader. And this is fused with the potential prejudice towards (new) theories, scholarship and perspectives, thus reinforcing the misrepresentation, altercating the discourse.

The title of this week's column implies an extension of my two previous columns, one mentioned earlier and the other one being "Rantau and Merantau: Geography and Soul" (18 January 2021). In his 2007 work titled *The Malay Civilization*, Mohd. Aroff had described *merantau* as a trait of the wandering spirit of the Malays. With this specific trait in mind (although one can erroneously argue and equate this with migration), the Malays have been known to have become the first inhabitants of the island of Madagascar. This happened by about 600 AD.

According to Mohd Aroff, the date of settlement between was the year 0 to 400 AD. Linguistic studies found that Malagasi correlated with the Maanyan people of south eastern Borneo. More recent studies point out a genetic and linguistic linkage to

Benua Melayu: Exploring another World View



the Banajarese in southern Borneo. This is an example of the *merantau* from Sundaland.

The "Out-of-Sundaland" theory was advocated by Stephen Oppenheimer, physician, geneticist and writer. In the 1990s, he had synthesized the various works from oceanography, archaeology, linguistics, social anthropology and human genetics. He placed the homeland of the Malays on the eastern seaboard of the now drowned Sundaland stretching from the northern tip of the island of Borneo to the present-day island of Banka in one area, and also from the southeastern coast of the island of Borneo, to the entire northern coast of the island of Java.

The Sundaland then, is the present-day Malay Archipelago, and the now underwater Sunda shelf was a large sub-continental size land mass. The sunken lowland, now termed the Sunda Shelf is the world's largest continental shelf. As dry land, it was mainly of low elevation with three very large river systems – one flowed northward, emptying into what we call now as the South China Sea, another flowed southeast-west ward into present-day Java sea, and another originating from Thailand,

// The Sundaland is the present-day Malay Archipelago, and the now underwater Sunda shelf was a large sub-continental size land mass. //

flowing into the Southeast China Sea. The tropical climate, abundance of rainfall made Sundaland an ideal ground for the development of human civilization.

The Sundaland perspective challenged the conventional appreciation of Asian History and Civilization which has always ascribed to the Chinese a lofty culture in the midst of an otherwise "barbaric" Asia. This view persisted for a long time. Later scholars realized the bias of Chinese sources. The sources would later develop a belief on self and others on who is civilized.

This is a relatively new understanding of the prehistory of the region. Oppenheimer in his book titled *Eden in the East: The Drowned Continent of Southeast Asia* (1999) advances the view that Southeast Asia, specifically the drowned Sundaland, the last of the three "super-floods," caused by the rise of sea levels about 8,000 years ago, was of

the fabled *Lost Atlantis*. Generating much interest in recent decades, the Atlantis was Plato's lost continent.

The drowned Sundaland was a vast plain of about 6,000,000 square kilometers in size, bigger than India, or about two thirds of China. Oppenheimer argued that the peoples of Sundaland first started agriculture and was earliest in using stones to grind wild grains, as early as 24,000 years ago, 10,000 years earlier than ancient Egypt.

It was further argued that some of the population in Sundaland had fled their homeland to fertilize other cultures. Some reached Africa and got into contact with the ancient Egyptians. They related the story of the lost civilization to the Greeks. And that story was retold by Plato.

Much needs to be uncovered, through the fusion of many fields and disciplines. Certainly combining genetics and linguistics only are not enough. What is also important is

that we do not dismiss such narratives as myths and fables.

The Bahasa Melayu word *benua* is Austronesian, with cognates across the Melayu-Polynesian world, as in the Maori *whenua* meaning "land" and "placenta", Visayan "banwa" and Rapa Nui "henua." *Benua* is not merely land, nor continent. *Benua* is genesis and worldview – expressing geography, origins and deep history, expressing long term structures and causality.

NEXT WEEK:
Chulia and Marakayars

*Prof. Dato' Dr. Ahmad Murad Merican is Professor of Social and Intellectual History with the International Institute of Islamic Thought and Civilization, International Islamic University (ISTAC-IIUM). He is a Senior Fellow with the Southeast Asia Research Centre and Hub at De La Salle University, Manila, the Philippines.

Penangan telur itik Ramadan

ZULKIFLI menyusun telur itik untuk diserahkan kepada pelanggan di sekitar pekan Lubok Cina, Masjid Tanah.

Din Ahmad

AYER LIMAU — Seorang penteranak itik telur, Zulkifli Mat Dali, 53, dari Kampung Telok Berembang, Lubok Cina, dekat sini, tersenyum lebar apabila penjualan telur itiknya meningkat berbanding hari biasa.

Sejak awal Ramadan dia perlu menyediakan antara 40 hingga 60 biji telur sehari, meningkat sekali ganda berbanding hari biasa.

"Alhamdulillah, sejak hari pertama puasa lagi, telur itik mendapat permintaan baik daripada masyarakat sekitar Lubok Cina.

"Ia kerana pelanggan mahu menikmati kelebihan pada bulan Ramadan berbanding selalu makan telur ayam pada hari biasa.

"Telur itik ini saya jual RM0.50 sen sebiji dan permintaan diterima daripada peniaga makanan bazar Ramadan dan warung sekitar pekan Lubok Cina," katanya ditemui di rumahnya di Kampung Telok Berembang, Lubok Cina.

Zulkifli yang lebih dikenali 'Pak Hitam' kahlangan komuniti Lubok Cina, berkata berikutnya peningkatan permintaan, beliau terpaksa mendapatkan bantuan beberapa jiran untuk mengutip telur pada waktu pagi serta dibersihkan untuk jualan.

Katanya, telur berkenaan dihasilkan oleh kira-kira 200 itik telur yang dipelihara di belakang rumahnya.

"Saya juga memelihara 150 itik pedaging, iaitu 80 itik jenis mascovi dan 70 itik nila sejak tiga tahun lalu serta membuat telur asin.

"Telur asin ini saya jual RM10 sebalang kepada peniaga warung dan restoran sekitar

"Saya juga memelihara 150 itik pedaging, iaitu 80 itik jenis mascovi dan 70 itik nila".



ZULKIFLI... telur itik dijual RM0.50 sebiji.

pekan Lubok Cina dan Masjid Tanah," katanya.

Jelasnya, untuk membuat telur asin berkualiti tinggi, telur itik harus direndam dalam air yang ditabur garam secukupnya selama 14 hari dan ia harus segera dipasarkan bagi mengelak kerugian.

"Menjelang Aidilfitri saya menyediakan 150 itik pedaging untuk penggemar itik dan jika ada yang ingin menikmati itik telur, saya sedia memenuhi permintaan itu," katanya lagi.

RESIDENSI *Bukit Katil*

Pegangan Bebas | Tanah Adat Melaka



DISKAUN REBAT
10% + 10%*

HARGA BERMULA DARIPADA
RM 186,300*

*Tertakluk pada terma & syarat



Kemudahan Yang Ditawarkan:

- Surau
- Tadika & Taska
- Dewan Serba Guna
- Taman Permainan Kanak-kanak

Kediaman Kontemporari Menepati Cita Rasa Masa Kini



JENIS B1: 1,000 kps
3 Bilik Tidur + 2 Bilik Air

AG BUMI HARTANAH

RAKAN JUALAN PR1MA (AG BUMI HARTANAH)

510 Jalan Melaka Raya 12, Taman Melaka Raya, 75000, Melaka

Pejabat: 06 - 286 5120

wiramagr@gmail.com

Isnin - Jumaat

(9.00 Pagi - 5.00 Petang)



www.pr1ma.my

Ibu Pejabat PR1MA

03 - 7628 9898

Isnin hingga Ahad (9.00 pagi - 6.00 petang)
E-mel: info@prima.my

Muat turun aplikasi PRIMA sekarang



PEMaju: PRIMA CORPORATION MALAYSIA GALERI: TINGKAT BAWAH, BLOK F, NO. 2, JALAN PIJU 1A/7A, OASIS DAMANSARA, 47301 PETALING JAYA, SELANGOR. TEL: 603-7495 8888 FAX: 603-7840 0268 • Nombor lesen Peragu: 14169-4501-202101433(1) • Tempoh Sah Laku: 16/1/2020 – 15/1/2021 • Nombor Permit Iklan dan Jualan: 14169-4501-202101433(1) • Tempoh Sah Laku: 16/1/2020 – 15/1/2021 • Pihak Berkasas: Majlis Bandaraya Melaka Bersegerah • Nombor Pelan Bangunan Diluluskan: MBMB/KB/001/1/02/2016/9 • Pembangunan Penurunan: Residensi Bukit Katil • Bilangan Unit: 527 • Jenis Rumah: Apartment • Harga Jenis A (minimum) RM20,000 (maksimum) RM30,000 • Harga Jenis B (minimum) RM25,000 (maksimum) RM27,000 • Harga Jenis C (minimum) RM25,000 (maksimum) RM29,000 • Pegangan Tanah: Pegangan Bebas Tanah Adat Melaka • Sekatan Keperingatan: Tiada • Bebanan Tanah: Tiada • Tarikh Dijangka Step: Mac 2023



DR. SHANKAR GUNARASA



TIDAK lama dahulu, jika seseorang pesakit menghidapi barah di tangkal rektum, kebarangkalian besar pesakit tersebut akan mempunyai stoma seumur hidup selepas pembedahan sememangnya tinggi. Tetapi dengan kemajuan teknikal dari segi pembedahan, stoma ini dapat di elakkan dengan pembedahan TAMIS.

TAMIS atau nama penuhnya Trans-anal Minimally Invasive Surgery ialah jenis pembedahan laparoscopic yang di lakukan melalui dubur dengan menggunakan peralatan yang khas bagi memudahkan pembedahan. Prosedur TAMIS di lakukan khas untuk barah kecil (T1) kurang dari 3 cms atau barah polip yang berada di tangkal rektum dan bukan di kolon(colon). Barah yang saiznya yang lebih besar atau stage T (saiz barah) lebih dari T1 sememangnya tidak memadai.


Walaupun dari perbincian statistic kanser kolorektal di negara ini yang menunjukkan hampir 45 % kanser kolorektal di diagnosis pada tahap 3 dan 4 , namun prosedur TAMIS ini sangat memadai bagi segelintir pesakit yang menghidapi barah awal kanser rektum sahaja. Prosedur ini akan mengambil masa di antara 1 jam sehingga 3 jam dan kebaikan pembedahan ini ialah pesakit di benarkan pulang ke rumah ke-esokan harinya.

Apakah prosedur sebelum pesakit layak untuk menjalani pembedahan TAMIS ini?

Pesakit sebelum itu perlu menjalani ujian diagnostic seperti

1) Kolonoskopi / Sigmoidoscopy

Prosedur ini di jalankan untuk memastikan barah di tangkal rektum dan posisinya , mengambil tisu biopsy untuk komfermisasi barah dan memastikan tiada lagi barah synchronous (sama) di bahagian usus yang lain.



TAMIS ; Kemajuan pembedahan kanser kolorektal yang anda perlu ketahui

2) MRI Plevis

Ini untuk memastikan yang "akar" barah kecil di rektum tersebut adalah di tahap T1 (tahap submukosa). Sekiranya lebih dari T1 , kebarangkalian untuk kesan barah merebak ke lymph node sememangnya ada dan jika ini berlaku, prosedur TAMIS tidak lah sesuai untuk pesakit tersebut. Golongan pesakit ini lebih sesuai untuk pembedahan " complete resection " dari segi laparoskopik abdomen ataupun laparotomi

3) Endorectal Ultrasound

Bagi pakar bedah kolorektal yang berkemahiran melakukan ujian diagnostic ultrasound endorectal, ultrasounds ini memang sesuai mendiagnosis barah awal T1 atau T2. Ini dapat dilakukan sebagai "office procedure" tanpa sebarang masalah.

Apakah risiko untuk prosedur TAMIS?

Risiko yang boleh timbul dari prosedur ini ialah :

- Pendarahan dari tempat pembedahan. Ini boleh berlaku semasa pembedahan atau selepas pembedahan.
- Infeksi di bahagian lapisan pembedahan TAMIS.
- Kebocoran di lapisan rektum semasa pembedahan dimana bahagian kebocoran tersebut terpaksa di perbaiki secara jahitan melalui pembedahan laparoskopik abdomen atau secara laparotomi.

- Barah timbul semula. Ini boleh berlaku jika "margins" yang secukupnya tidak di keluarkan semasa pembedahan awal.


- Kecederaan sphincter anus di sebabkan oleh peralatan laparoskopik di bubar yang boleh berlaku sekiranya "set-up" yang di lakukan tidak cermat.

Siapakah yang tidak layak untuk prosedur TAMIS ini?

- Barah rektum yang besar dari 3 cms atau lebih dari T1 staging.
- Mempunyai kesan merebak di lymph node (kelenjar).
- Barah terlampaui dekat di anus atau tangkal anus.
- Barah yang berulang dari pembedahan TAMIS yang terdahulu.

Sememangnya pembedahan / prosedur TAMIS ini memang memberi manfaat kepada pesakit barah awal rektum dan tidak memerlukan stoma. Oleh itu anda semua di galakkan untuk menjalani ujian saringan kolonoskopi agarnya barah ini dapat di tangkap di peringkat awal.

Sekiranya anda perlu mengetahui lebih lanjut tentang prosedur/pembedahan TAMIS ini atau sebarang jenis pembedahan laparoscopic kanser usus , anda boleh berhubung dengan **Dr. Shankar Gunarasa, Pakar Bedah Umum, Laparoskopik dan Kolorektal di Pantai Hospital Ayer Keroh Melaka di talian 06 2319999 Samb; 2131.**



Pokok Batai Laut tumbang diganti baru



ZAINAL melakukan gimik penanaman semula spesies pokok Batai Laut di tapak asal pokok ikonik 127 tahun yang tumbang pada 17 Mac lalu.

Faiz Hasan

BANDARAYA MELAKA — Majlis Bandaraya Melaka Bersejarah (MB-MB) menanam anak pokok Batai Laut bagi menggantikan pokok asal berusia 127 tahun yang tumbang pada 17 Mac lalu.

Datuk Bandar MB-MB Datuk Zainal Abu berkata, pihaknya melalui penguat kuasa MBMB menanam semula spesies pokok Batai Laut berusia enam tahun baru-baru ini.

Katanya, inisiatif dengan kerjasama pakar penjagaan kesihatan pokok (arboris) itu menyaranankan sebatang anak pokok yang dipilih di Jalan Tebing Tinggi, Bukit Katil dipindahkan ke lokasi baharu berdekatan Jam Besar di Bangunan Stadthuys, dekat sini.

"Anak pokok Batai Laut ini berusia enam tahun dengan ketinggian dua meter. Pokok ini akan dijaga oleh pakar kesihatan pokok dilantik dengan pemeriksaan kesihatan akan dilakukan enam bulan sekali," katanya.

Beliau berkata demikian pada sidang media selepas menyempurnakan gimik acara penanaman pokok Batai Laut di Jalan Tun Khalil Yaakob, di hadapan bangunan Stadthuys di sini, baru-baru ini.

Mengulas lanjut, Zainal berkata, pemerhatian awal mendapati punca sebenar pokok yang dikatakan menjadi 'saksi' sejarah di negeri ini tumbang disebabkan kerosakan akar yang mungkin berpunca daripada pembinaan tembok penghadang pokok di sekelilingnya.

"Akar pokok ini bukan akar tunjang tetapi ia jenis menjalar secara berselerak dan apabila ada tembok penghadang itu mungkin memberikan halangan kepada akar untuk tumbuh dengan lebih sihat."

"Bagaimanapun kita belum jumpa rekod tarikh bila tembok itu dibina. Apa-apa pun, saya harap anak pokok Batai Laut ini dapat membesar dengan baik seperti pokok ikonik sebelumnya ini, sekali gus mengembalikan nostalgia kepada semua khususnya rakyat Melaka," katanya.

Pada masa sama, ujarnya, satu jawatankuasa khusus arboris dicadang akan diwujudkan selepas pertimbangan kerajaan negeri bagi menjaga dan memelihara pokok-pokok warisan di Melaka.



Taman Seri Mangga Sek - 1



RUMAH TERES SETINGKAT
22' x 70'
(4 bilik tidur, 2 bilik air)

HARGA JUALAN
Min RM336,400.00
(bermula dari)



Tiong Yuen Development Sdn Bhd
No. 37-Grd Flr, Jalan Kesiadang 3/11,
Melaka Mall, Off Jalan Tun Perak,
75300 Melaka.



No. Telefon
06-3371389 (Pejabat)
011-35042516 (TINI)
012-2196788 (Peggy Lim)

中原發展有限公司

TIONG YUEN DEVELOPMENT SDN. BHD.
(Co. No.: 149622-W)
No. 37, Jalan Kesiadang 3/11, Melaka Mall, Off Jalan Tun Perak, 75300 Melaka
Tel: 06-337 1389 Fax: 06-337 3855
Email Address: tydevelopment@yahoo.com

Buat bubur lambuk walaupun kudung

Din Ahmad

PANTAI KUNDOR – Biarpun kudung pergelangan tangan kanan dan cacat tangan kiri tidak menghalang seorang bekas tentera turut serta membuat bubur lambuk.

Yaacob Hassan, 69, sanggup bersusah-payah bersama ahli jawatankuasa (AJK) Masjid Nurul Hidayah, Kampung Tanah Merah Jaya, Tanjung Kling dekat sini untuk menyiapkan rencah sebelum mengacau bubur lambuk.

Berdasarkan pengalaman memasak pada majlis kenduri kahwin, Yaacob mengetui kira-kira 13 AJK dan anak kariah kampung berkenaan untuk menghasilkan bahan makanan itu.

Katanya, untuk menghasilkan bubur lambuk yang benar-benar enak, udang segar digunakan sebagai antara rencah, selain daging dan pelbagai bahan lain.

"Alhamdulillah, kami memulakan program menghasilkan bubur lambuk yang dirancang diadakan pada se-

tiap Ahad sepanjang Ramadhan kali ini.

"Terima kasih kepada Ahli Dewan Undangan Negeri (ADUN) Pantai Kundor, Datuk Nor Azman Hassan yang menyediakan peruntukan RM500 untuk setiap kali masak," katanya ketika ditemui pada program memasak bubur itu di masjid berkenaan baru-baru ini.



YAACOB (kanan) melihat bahan perencah yang ditumis untuk memasak bubur lambuk di Masjid Nurul Hidayah, Kampung Tanah Merah Jaya, Tanjung Kling, baru-baru ini.

Yang turut hadir, Nor Azman dan Pengurus Jawatankuasa Pembangunan dan Keselamatan Kampung (JKKK), Samad Ali, 68.

Sebanyak 10 kilogram beras, udang segar, susu cair, kacang kuda dan santan diadunkan untuk menghasilkan bubur lambuk sebelum diagihkan kepada anggota komuniti selepas solat Asar.

Bekas anggota Unit 21 Komando Regimen Gerak Khas itu kehilangan pergelangan tangan kanan manakala pergelangan tangan kiri cacat kekal, akibat terkena jerangkap samar pengganas komunis.

Beliau mengalami kemalangan itu ketika menyerai Ops Gubir II bersama 44

anggota yang lain dalam hutan sempadan Kedah / Thailand pada jam 10 pagi, 21 April 1976.

"Kejadian itu menyebabkan saya putus pergelangan tangan manakala pergelangan tangan kiri cacat kekal, selain dua rakan putus kaki," katanya.

Yaacob berkata, beliau dan rakannya kehilangan

banyak darah dan sukar untuk dibawa keluar dari kawasan kejadian kerana hutan tebal yang menyukarkan helikopter mendarat.

Katanya, beliau berbangga kerana walaupun terpaksa menghadapi ancaman lebih 1,000 pengganas komunis, kejayaan tetap bersama anggota pasukan keselamatan negara.

KEBENARAN RENTAS NEGERI



Setiap permohonan yang telah diluluskan harus melakukan pergerakan rentas negeri pada hari-hari yang ditetapkan

ISNIN - KHAMIS

- Pekerjaan
- Kecemasan
- Kematian (ahli keluarga terdekat)
- Perubatan
- Pendidikan
- Pasangan jarak jauh

JUMAAT - AHAD

- Kecemasan
- Pasangan jarak jauh
- Kematian (ahli keluarga terdekat)

* Aturan ini akan berterusan sehingga selepas Aidilfitri

INFOGRAFIK : MELAKA HARI INI



Semua Boleh Belajar

Ambilan Mei 2021 Kini Dibuka

- > Program diakreditasi oleh MQA
- > Gunakan pengalaman kerja untuk kemasukan melalui APEL
- > Belajar dalam talian tanpa meninggalkan keluarga dan kerjaya
- > Pembiayaan mudah dengan pinjaman PTPTN, pengeluaran KWSP dan HRDF
- > Diskaun 10% setiap semester
- > Diskaun 15% setiap semester khas buat alumni. Pasangan, anak dan adik-beradik layak memohon.
- Tertakluk terma dan syarat
- * Program dijalankan secara dalam talian. Tertakluk terma dan syarat.

Pilihan yang fleksibel

Pengajian Separuh Masa

HARI Terbuka

26-28
MAC
2021

23-25
APR
2021

28-30
MEI
2021

Ganjaran rebat sehingga RM400 untuk tempoh yang terhad. Jangan lepaskan peluang ini!

Daftar dalam Talian Sekarang
oum.edu.my

Biasiswa RM1Juta

Diploma dan Sarjana Muda

PUSAT PEMBELAJARAN MELAKA

06-2921852
019-2181851
019-2663628

OUM Melaka
oummelaka

Ibu tunggal dapat kereta percuma

Norizan Muhid

BUKIT BERUANG – Satu ketika dulu Dizi Yarna Muhammad gembira menjalani kehidupan serba mencukupi bersama suami dan lima anaknya di Bukit Rambai.

Namun segalanya berubah sekelip mata apabila suami tempat dia dan anak-anak bergantung hidup mengambil keputusan untuk berpisah dengannya.

Sudahlah hilang tempat bergantung, Yarna, 43, mengalami kemalangan sehingga menjelaskan keupayaan diri untuk mencari nafkah bagi menampung kehidupan bersama anak berusia tujuh hingga 11 tahun.

"Sebelum ini saya menjual nasi lemak dan mendapat hasil jualan kira-kira RM1,000 sebulan, dan ditambah nafkah yang diberi oleh bekas suami, maka cukuplah menampung kehidupan baru saya dan anak-anak."

"Tetapi sejak kemalangan Mac lalu, saya kerap sakit pinggang dan lebih menghimpit, kereta yang digunakan untuk bermiaga nasi lemak rosak sepenuhnya dalam kemalangan."

"Sejak itu, saya tidak dapat bermiaga dan menghantar empat anak ke sekolah," katanya sambil memberitahu anak sulung berusia 22 tahun baru bekerja di Johor.

Menurut Yarna, setelah bercecerai dia dan empat anaknya itu berpindah ke Bukit Beruang dan disebabkan ketiadaan kereta, dia terpaksa menghantar anaknya ke sekolah dengan berjalan kaki sejauh kira-kira 250 meter di Sekolah Kebangsaan Bukit Beruang.

Katanya, lebih perit apabila anak perempuannya yang berusia 11 tahun secara tiba-tiba diserang penyakit saraf dan bergantung kepada bekalan ubat tambahan dengan kos RM200 setiap kali menjalani pemeriksaan di Hospital



PAK NGAH dan keluarga membantu Yarna (kiri) memasukkan payung yang digunakan untuk bermiaga nasi lemak ke dalam kereta yang diterima sebagai sumbangan amal atas inisiatif Pak Ngah.

Melaka.

"Rumah yang kami tinggal sekarang ini pun menumpang rumah 'homestay' milik adik dan setidaknya saya perlu membayar sewa, takkan duduk percuma."

"Ketika ini, saya amat memerlukan kereta bagi membolehkan saya bermiaga semula demi meneruskan kelangsungan hidup saya dan anak-anak," katanya.

Sementara itu, prihatin dengan

nasib ibu tunggal itu, Pak Ngah yang sinonim dengan gelaran Ustaz Ebit Lew Melaka tampil menderma kereta Proton Iswara yang disumbangkan rakannya dari Durian Tunggal.

Pak Ngah atau Shikh Muhammad Makhdad Haron, 48, berkata, dia baharu memulakan projek menderma kereta terpakai buat golongan memerlukan dan kereta Iswara itu diperolehi bulan lalu.

"Asalnya rakan ingin menjual kereta itu RM2,000 tetapi tidak jadi dan memberikan secara percuma apabila mengetahui kereta itu untuk didermakan."

"Selain Yarna, ada 10 pemohon lain yang mahu sumbangan kereta itu tetapi setelah memeriksa kehidupan Yarna ternyata dia lebih memerlukan kereta kerana dia ada anak yang sakit serta menanggung anak-anak yang masih kecil," katanya.

Sebak lihat cucu dapat baju raya percuma

Mohamad Fazrul Abdul Majid

KLEBANG – Seorang warga emas tidak dapat menahan sebak apabila melihat riak wajah gembira cucunya yang diberi peluang memilih 'baju raya' percuma dalam program Butik Rakyat 2.0 bertempat di RUTC Klebang Besar, di sini, baru-baru ini.

Enchom Mat, 64, berkata, walaupun pakaian terpakai namun ia tetap

bermakna memandangkan mereka bukan dari keluarga yang senang.

Justeru, dia yang juga menetap di Kampung Pulau Gadong berterima kasih kepada semua pihak yang menghulurkan sumbangan pakaian terpakai, khususnya kepada Jawatankuasa Pembangunan dan Keselamatan Kampung (JPKK) Klebang Besar yang menganjurkan program itu.

"Terima kasih sangat. Neneh tak tahu nak cakap apa. Mungkin untuk orang lain pemberian ini nampak kecil, tetapi ia besar maknanya bagi keluarga kami."

"Cucu-cucu neneh juga sangat gembira apabila dapat baju raya untuk tahun ini. Kami sangat bersyukur dan terima kasih kepada semua pemberi," katanya.

Nada sama disuarakan Norazlan Ali, 34, yang kini hi-

lang pekerjaan selepas mengalami kemalangan di tempat kerja.

Dia yang terpaksa bertongkat sanggup datang dari Tanjung Kling ke RUTC Klebang, semata-mata untuk mendapatkan pakaian buat isteri dan anaknya.

"Bila nak raya, semua nak pakai duit. Jadi, bila ada bantuan seperti ini ia memang sangat meringankan beban saya dan mereka yang kurang berkemampuan yang lain."

-Norazlan Ali, 34

berkemampuan yang lain.

"Macam hari ini, dapatlah saya memilih baju untuk anak, isteri dan untuk saya sendiri. Baju-bajunya juga cantik dan sama sekali tidak lusuh. Sesuai untuk dijadikan baju raya untuk kami juga," ujarnya.

Bagi Khairul Anuar Md Said, 39, dia berharap program kemasyarakatan itu menjadi ikutan kepada pemimpin dari kampung-kampung lain.

"Saya sangat terharu dengan apa yang dilakukan JPKK dan RUTC Klebang Besar kerana baju-baju yang ada bukan untuk satu golongan sahaja, tetapi untuk segenap lapisan masyarakat."

"Jadi saya berharap usaha dijadikan contoh kepada kampung-kampung lain selepas ini," katanya.

Sementara itu, pengan-

jur Butik Rakyat 2.0 Datuk Mohd Yusof Abu Hassan yang juga Pengurus JPKK Klebang Besar berkata, sebanyak 5,000 pakaian sumbangan orang ramai akan diagihkan dalam program sepanjang Ramadan ini bermula 3 petang hingga 11 malam itu.

Katanya, baju sumbangan itu akan disaring terlebih dahulu bagi memilih yang benar-benar elok sebelum dicuci dan diletakkan di dalam plastik sebelum diagihkan kepada orang ramai.

Beliau berkata, program memasuki edisi kedua itu bertujuan membantu golongan kurang berkemampuan khususnya yang terjejas sepanjang penularan pandemik COVID-19.

"Saya menyeru jika ada pemimpin yang ingin menginfakkan pakaian agar dapat menyalurkan kepada Butik Rakyat 2.0 ini untuk kita salurkan kepada rakyat."

"Jika ada sumbangan daripada wakil rakyat, EXCO mahupun Ketua Menteri atau Perdana Menteri sendiri, saya bercadang untuk mewujudkan sudut VIP yang mana rakyat terpilih akan menerima sumbangan pakaian terpakai milik orang-orang ternama ini," katanya.



ORANG ramai memilih pakaian terpakai untuk kanak-kanak.



PEMANAH negara, Khairul Anuar Mohamad antara atlet negara yang layak secara merit ke Tokyo 2020.

Ayuh beri semangat atlet Sukan Olimpik Tokyo!

Norizan Abdul Muhid

RAKYAT Melaka digesa memberi sokongan dan semangat kepada bariisan atlet negara yang bakal berjuang pada temasya Sukan Olimpik 2020 di Tokyo, Jepun yang dijadual berlangsung bermula Julai ini.

Pengerusi Jawatankuasa NGO, Pembangunan Belia dan Sukan negeri Datuk Mohd Rafiq Naizamohideen berkata, sokongan masyarakat pelbagai peringkat amat diperlukan oleh wira dan wirawati negara bagi meraih kemenangan cemerlang di Tokyo nanti.

Menurutnya, bagi tujuan itu juga, Melaka akan menganjurkan program Flag Off Jelajah Sokongan Kontinjen Road To Tokyo 2020 sebagai susulan pelancaran program itu yang diadakan di Bukit Jalil pada 14 April lalu.

"Program itu bertujuan untuk mendapatkan sokongan masyarakat dan membangkitkan semangat atlet

yang akan berjuang di temasya Sukan Olimpik dan Paralimpik Tokyo 2020.

"Jelajah Sokongan Kontinjen Road To Tokyo 2020 di negeri-negeri bermula 25 April hingga 6 Julai ini.

"Serentak dengan itu, Melaka akan mengadakan program mengejarnya pada 27 April ini dan akan disempurnakan perasmianya oleh Ketua Menteri Datuk Seri Utama Sulaiman Md Ali bertempat di Kompleks Seri Negeri," katanya.

Seramai 12 atlet melibatkan lima disiplin sukan layak secara merit ke Tokyo 2020, mereka ialah Pandelela Rinong, Leong Mun Yee, Ng Yan Yee, Nur Dhabitah Sabri (akuatik-terjun); Khairul Anuar Mohamad (memanah); Khairul Nizam Mohd Afandy, Nur Shazrin Muhammad Latif, Nuraisyah Jamil, Juni Karimah Noor Jamali (pelayaran); Farah Ann Abdul Hadi (gimnastik-artistik); Mohd. Azizul Hasni dan Mohd. Shah

Firdaus Sahrom bagi acara berbasikal.

Manakala 14 Atlet Para Negara turut mengesahkan slot penyertaan mereka pada temasya sukan itu iaitu Muhs. Nursaiful Zulfikri dan Brenda Anelia (akuatik renang); Suresh Selatamy dan Wiro Julin (memanah); Muhammad Ziyad Zolkefli, Wong Kar Gee, Mohamad Ridzuan Mohammad Puji, Abdul Latif Romli (olahraga); Chew Wei Lun (boccia); Bonnie Bunyau Gustin (powerlifting); Chieh Lek Hou (badminton); Mohd. Yusof Hafizi Saharudin, Zuhairie Ahmad Tarmizi dan Nur Azlia Syafinaz untuk acara basikal.

Lagenda badminton negara, Datuk Wira Lee Chong Wei telah di-beri penghormatan selaku Chef De Mission (CDM) Kontinjen Malaysia ke Tokyo 2020 manakala Presiden Majlis Paralimpik Malaysia (PPM) Datuk Seri Megat D. Shahriman Zaharudin sebagai CDM ke temasya Sukan Paralimpik Tokyo 2020.

Tidak adil salahkan Miller - Manshahar

PENGARAH Teknikal Kesatuan Olahraga Malaysia (KOM) Dwayne Miller tidak harus dipersalahkan, selepas dua jaguh 100 meter (m) pecut negara Khairul Hafiz Jantan dan Muhammad Haiqal Hanafi, memutuskan untuk berlatih semula bersama Mohd Poad Md Kassim.

Ketua jurulatih skuad olahraga kebangsaan Mohd Manshahar Abdul Jalil berkata, ia juga tidak adil untuk mengatakan Miller tidak memainkan peranan dalam membantu kedua-dua atlet berkenaan mencapai semula prestasi terbaik mereka.

Malah, Mohd Manshahar menyifatkan kesan penularan pandemik COVID-19 di negara ini juga menjadi faktor penyumbang, data pelari pecut

negara termasuk Khairul Hafiz dan Muhammad Haiqal di bawah Miller tidak begitu menyerlah.

Jelasnya, tiada sebarang perbela-han atau isu yang timbul antara kedua-dua pemenang pingat emas 100m pecut Sukan SEA itu dan Miller, sehingga membawa kepada keputusan kembali ke pangkuhan Mohd Poad.

"Atlet itu sendiri yang menentukan hala tuju karier mereka, hak mereka untuk membuat keputusan dan saya rasa hak itu diberikan dengan baik kepada mereka," katanya kepada Bernama baru-baru.

"Sepanjang mereka berlatih di sini pun tiada sebarang masalah yang timbul, malah tiada rungutan dari-

pada mereka berdua. Hanya mungkin dari segi keserasian yang tidak dapat dicapai dalam masa yang singkat," tambah Mohd Manshahar.

Tahun lepas, KOM membuat keputusan menempatkan Khairul Hafiz dan Muhammad Haiqal bersama semua atlet pecut elit kebangsaan secara berpusat di bawah kendalian Miller, di Majlis Sukan Negara (MSN) di Bukit Jalil.

Sementara itu, beliau berharap kedua-dua pemenang pingat emas 100m pecut temasya Sukan SEA itu memanfaatkan peluang diberikan KOM sebaiknya, bagi meneruskan dominasi Malaysia dalam acara riben biru itu pada Sukan SEA 2021 di Vietnam, hujung tahun ini.

Mohd Manshahar optimis, Mohd Poad yang terkenal dengan kepacaran melahirkan jaguh pecut negara sudah mempunyai program dan perancangan latihan, untuk mengembalikan semula daya kepantasan dalam larian kedua-dua atlet itu.

"Poad sendiri sudah buktikan kedua-dua atlet ini atlet terbaik yang dia pernah lahirkan pada 2017 dan 2019, jadi pada saya bukan jadi satu masalah untuk beliau (Mohd Poad), membantu prestasi atlet ini," katanya.

Khairul Hafiz yang juga pemegang rekod kebangsaan dengan catatan 10.18 saat (s) merupakan pemenang pingat emas 100m pecut Sukan SEA 2017 di Kuala Lumpur, sementara Muhammad Haiqal memenangi gelaran raja pecut Asia Tenggara itu pada edisi Sukan SEA 2019 di Filipina.- BERNAMA

Skuad projek FAM-MSN harus diteruskan - Kim Swee

PENGLIBATAN skuad Projek FAM-MSN dalam saingan Liga Premier perlu diteruskan, demi kelangsungan pembangunan bola sepak negara, kata Pengarah Teknikal Persatuan Bola Sepak Malaysia (FAM) Datuk Ong Kim Swee.

Kim Swee yang mengulas mengenai prestasi buruk skuad bimbingan Yusri Che Lah itu, turut menolak idea pembubaran pasukan berkenaan.

Namun, beliau berpendapat bahawa perancangan serta hala tuju yang mantap perlu difikirkan, bagi memastikan pelaburan jutaan ringgit terhadap pasukan yang dibentuk hasil kerjasama FAM dan Majlis Sukan Negara (MSN), tidak disia-siakan begitu sahaja.

"Memang rancang hendakkekalkan, projek ini saya rasa takkan bubar tapi perancangan projek ini mungkin akan difikirkan hala tuju yang bagaimana, mungkin main dalam Liga Super selepas ini."

"Kita tidak boleh ada program setahun dan bubar, ini program remaja, tidak masuk akal (dibubarkan)," katanya ketika ditemui pada Program Imunisasi COVID-19 Kebangsaan di Putrajaya baru-baru ini.

Selepas sembilan perlawanan, skuad projek FAM-MSN berada di kedudukan tercorot dengan mengumpul satu mata, selepas mengalami lapan kekalahan dan mencatat satu keputusan seri.

Bekas pengendali skuad Bawah 23 Tahun (B-23) kebangsaan itu, meminta peminat bersabar untuk melihat impak skuad berkenaan, kerana matlamat utama projek tersebut adalah menyaksikan ia kekal sehingga ke pusingan kelayakan Sukan Olimpik 2024 nanti.

Katanya peminat harus memberi ruang dan peluang kepada pemain, kerana rata-ratanya masih 'mentah' dengan saingan liga kompetitif dan percaya mereka mampu bangkit membuat kejutan pada pusingan kedua Liga Premier kelak.

"Moral pemain agak negatif selepas mengalami kekalahan demi kekalahan, namun kita perlu beri bimbingan dan pendedahan. Mereka masih lagi baharu dalam liga, pasukan lain tentu sasar layak ke Liga Super, namun tidak bagi kami buat masa sekarang."

"Kami mahu mendedahkan kepada mereka dalam saingan kompetitif, kerana orang ramai perlu faham tujuan program ini adalah kekal sehingga ke kelayakan Sukan Olimpik 2024, jika dapat dua hingga tiga orang pemain yang terpilih pun sudah baik, daripada tiada apa-apa langsung," katanya.

Dalam pada itu, Kim Swee difahamkan terdapat beberapa pasukan sedang berusaha memancing pemain daripada skuad berkenaan.

Katanya jika tiada sebarang pemain dipancing pasukan lain, bermakna perjalanan program ini harus difikirkan semula sama ada sesuai atau tidak beraksi di Liga Premier atau perlu ditukarkan ke pertandingan domestik yang lain.- BERNAMA



KHAIRUL Hafiz memutuskan untuk berlatih semula bersama Mohd Poad.



>> SKUAD PROJEK FAM-MSN HARUS
DITERUSKAN - KIM SWEE
• Lihat muka 23

MELAKA HARI INI / 26 APRIL - 2 MEI 2021

Sukan

MELAKA HARI INI

TIDAK ADIL
SALAHKAN MILLER
- MANSHAHAR
• Lihat muka 23 >>



Hormati pengadil!



PEMAIN tempatan mahupun import dalam saingan Liga-M diingatkan supaya tidak mengamalkan 'keganasan bola sepak' terutama terhadap pegawai perlawanan atau bakal berdepan hukuman berat. GAMBAR HIASAN

PEMAIN tempatan mahupun import dalam saingan Liga Malaysia (Liga-M) diingatkan supaya tidak mengamalkan 'keganasan bola sepak' terutama terhadap pegawai perlawanan atau bakal berdepan hukuman berat.

Timbalan Presiden FAM Datuk S. Sivasundaram berkata pegawai perlawanan perlu diberikan ruang dan peluang menjalankan tugas di atas padang manakala pemain tidak boleh bertindak mengikut emosi atau cuba mempengaruhi keputusan pengadil dengan tindakan tertentu.

Beliau berkata perhatian yang

lebih kepada pemain akan diberikan FAM termasuk sikap sesetengah pemain yang gemar membuat simulasi dalam usaha badan induk bola sepak negara itu membendung isu keganasan terhadap pengadil selain menanggkat sikap profesionalisme.

"Tolong main bola sepak secara profesional, tolong jangan tolak, sentuh dan memberikan kata-kata kesat kepada pengadil," katanya pada sidang media selepas mempengerusikan mesyuarat Jawatankuasa Pengadil FAM di Wisma FAM di Kepong, baru-baru ini.

"Pengadil didapati buat kesila-

pan dalam perlawanan pasti akan dihukum, begitu juga pemain, FAM akan lebih serius dalam isu ini terutama dari aspek (kelakuan) pemain. Jadi, saya harap semua dapat berikan kerjasama yang baik, aksi lakonan semuanya perlu dihentikan," kata beliau.

Sivasundaram turut mensahkan mesyuarat hari ini bersetuju untuk memisahkan sepenuhnya tanggungjawab pengadil bola sepak dan futsal di dalam negara bermula musim 2022.

Ia bermakna bermula 2021, individu yang mengambil lesen pengadil bola sepak hanya akan mengadili perlawanan bola sepak dan tidak dibenarkan menerima tugas mengadili aksi melibatkan perlawanan futsal pada masa hadapan.

Pada masa sama, Sivasundaram yang juga Pengerusi Jawatankuasa Pengadil FAM mendedahkan setakat 99 perlawanan Liga-M yang telah berlangsung, FAM hanya menerima enam aduan rasmi daripada pasukan bertanding.

Setiausaha Agung FAM Stuart Ramalingam menjelaskan daripada jumlah itu, lima aduan diterima sepanjang 54 perlawanan Liga Super manakala hanya satu aduan rasmi daripada keseluruhan 45 aksi Liga Premier.

"Aduan diterima oleh sekreta-

riat adalah berkenaan pertikaian keputusan pengadil, bukan semua aduan diterima itu betul, ada aduan

yang mungkin lebih daripada sekadar pandangan sebelah pihak," kata Stuart.-BERNAMA



TOKYO 2020



TOKYO 2020

PARALYMPIC GAMES



Ayuh beri semangat
atlet Sukan Olimpik Tokyo!

RAKYAT Melaka digesa memberi sokongan dan semangat kepada barisan atlet negara yang bakal berjuang pada temasya Sukan Olimpik 2020 di Tokyo, Jepun yang dijadual berlangsung bermula Julai ini.

Lihat muka 23

LIGA SUPER MALAYSIA 2021
Jadual perlawanan Melaka United FC

PERLAWANAN ke - 11

MELAKA UNITED FC KDA FC

STADIUM HANG JEBAT, MELAKA

JUMAAT, 30 APRIL 2021
10.00 pm

www.melakahariini.my Melaka Hari Ini Melaka Tv

Grafik : Melaka Hari Ini / Sumber : melakauitedfc.com